

# 龟山玄策

佚名

文硕阁

wenshuoge.com

## 目录

|                              |    |
|------------------------------|----|
| 关于我们 .....                   | 3  |
| 简介 .....                     | 5  |
| 上清元始变化宝真上经九灵太妙龟山玄篆卷上 .....   | 6  |
| 上清元始变化宝真上经九灵太妙龟山玄篆卷中#1 ..... | 26 |
| 上清元始变化宝真上经九灵太妙龟山玄篆卷下#1 ..... | 46 |

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

## 简介

经名：上清元始变化宝真上经九灵太妙龟山玄策，简称《龟山玄策》。撰人不详，约出於南北朝。系早期上清派经典。三卷。底本出处：《正统道藏》正一部。参校本：敦煌P.3435号残写本。

# 上清元始变化宝真上经九灵太妙龟山玄策卷上

上清宝书，以九天建立之始，皆自然而生，与气同存，三景齐明，表见九天之上，太空之中。或结飞玄紫气，以成灵文，天书宛妙，文势曲折，字方一丈，难可寻详。自非九天中真王，莫能明其旨音。九天真王以上虚元年，命玄都上真铸金为简，众圣明义，高上口诀，撰集灵篇。玉帝注笔，刻简成章，以俯仰之格，皆有高下次第禁限，品目悉出高圣之微旨也。封於九天之上，大有宫中琼房之内，皆以西华玉女、素灵宫金晨紫童典卫之。

西龟之山，一曰龙山，乃九天之根纽，万气之渊府，在天西北之角，周回四十万里，高与玉清连界。东南则接通阳之霞，上承青宫神虎之门；西北则交寒穴之野，上通金阙神仙之庭；南则极於太丹浮黎之乡，气协洞阳之光；北则指於钩陈，交关华盖，气践广灵；中央直冲玉京八达交风山顶。平天三万里，悉涌金为墙，结玉为门，金台玉楼，十二神宫。上有自然流精紫阙金华之堂，琼瑶之室，傍通九穴之洞，自生紫气之云，交带凤文，九色落陈。崖生紫桂，岭秀琼林，结璚为条，植玉为根，骞树含实，赤子白环，三华耀葩於朱景，反香流芳於太玄，八气扇飙以长执，玉籟空唱而成音，龙吟云楼，凤啸绝岭，毒兽万罗，长蛇千寻，神宫堂堂，云仙纷纷，巍巍元馆，触类吐津，盖元始之妙化，寔天元之灵根。金华之堂，北窗上有自生紫气，结成玄文，字方一丈，垂芒焕明，天书宛妙，非可寻详。九天丈人，昔上甲元年清斋云宫，宴景龟山，仍刻金简，缮书玄文，解其宿滞，演其灵音，记曰龟山丹皇飞玄紫文。西王母以开皇元年正月上寅之日，乘虚泛灵，逸遨九霄，静斋龟山，上登自然流精紫阙金华琼堂，游观北窗，朝礼玄文，瞻崖思灵，心想上真。於是妙感玄觉，丹心表明，时忽有天真大神，挟日带月，项负圆光，从群仙羽盖，乘飞輿紫云九精流霄，垂跪王母前称：九天凤宫领仙王，姓上玄，字开明，奉元始天王命，使赍九天金书紫字青金丹皇之文，降授於王母焉。锡号西元九灵上真仙母，封西龟之岳。又授素书一卷，上真始生变化元录，总领仙籍，承统玉清。又以青琼之板，给九天凤衣飞青羽褙，晨婴玉冠风云之舄，神凤紫轮飞行羽盖二十四乘，五色仗幡命灵之节。又以上宫金华玉女七百人，侍卫於仙母焉。使治流精紫阙金华琼堂，一月三登玉清，再宴昆仑，五校众仙。於是天真大神启授事毕，悉反驾玉宫。仙母於是受命登座，告斋琼堂，命侍女王子登、董双成等，以神光锦巾，盛受金书紫字青琼之板，青金丹皇锡文，上真始生变化元录，飞玄紫文，凡四事，封以丹皇之章，藏之於琼瑶之室。命金华玉女、紫晨玉童各三十人，侍卫灵文。依三天旧典俯仰之格，申告五帝五岳灵山河海正神，咸令一月五条至学人名，功过区别，随品奏言。仙母常以八节之日，又一月五过，宴景云宫，时适五岳，历观河源，游盼八极。当此之时，则五星出分，日月停光，百阳激电，流金焕精，天丁前驱，五老仗幡，仙母常乘九色之辇紫云飞轮，从天仙玉女各五千人。女则乘风，男则策龙，飞仙羽服，皆手执华幡，笳箫鼓吹，百和合音，鸾唱凤啸，激朗云陈，华光交换，三景合明，紫童扬香以却秽，神妃散华以灌真，天钧奏其旌盖，紫烟翳乎虚庭，玉景流盼於太空、神化威制於万灵。当此之时，六天顺命，群凶束形，祆魔丧眼，天朗气

清，盖高仙之妙观，标丹皇之洞灵也。

### 龟山丹皇飞玄紫文

飞玄紫气凝灵根，纲维玉虚总万神，空中郁勃结自然，上有峻嶒十二传，玉楼峨峨跃景云，流精紫阙带金轩，琼堂玮铄绕八骞，中出青金九灵仙。丹皇真母号精延，飞青羽 晨婴冠，左执玉节，右握灵幡，五色命魔，奉对帝尊，把持符籍当生门，咀月嚼日噙玉泉，离罗吐晖炼五魂，内充外溢绛府欣，金光灿灿形正圆，从朔入金色沌沌。唯有开明晓此言，日五月十精北元，刻见华盖领仙君，紫气左回与斗运，历度四七入金门。正是丹皇校万仙，有明此诀加精勤，被形密思每令分，妙景感会得要文。三年当审保长全，九年乘空致羽裙，凤衣轻翔升龙山，俯仰九灵谒玉晨。

南极上元君曰：此结紫炁飞玄之文，刻书西龟山上，流精紫阙金华琼堂北窗之上。九天丈人目其篇，记曰《龟山丹皇飞玄紫文》。西王母常所宝秘，其旨隐奥，皆是九天宛妙之韵，自无仙名，不得钙其篇目。得者皆九天书录，名题龟山。

九天丈人云：修其道，常以正月、二月、三月、四月、六月、七月、八月、九月、十一月、十二月、一年十月；月三日、五日、九日、十五日、二十五日，一月五过，清斋诵咏文一遍。以夜半之后，露出中庭，仰伺北斗华盖之中，有紫云之气，从斗纲左回，历度二十八宿竟，还金门之上。若在人中天阴无光，当於室内默念内思如上法，每令分明。思毕，当心拜紫云四过，叩齿三通，仰祝曰：

天夜朗清，幽虚启真，流云徘徊，金华四寨，丹皇敷晖，灵飞紫轩，是夕开陈，青金授仙，成我上愿，体应自然，结命月华，保年日根，三灵合景，永停龙山，密夜情披，请如所言。毕，便口引紫气二十八咽止。行此三年，刻有神真降兆寝席也。身有紫气，映络一形，九天书名，必复上仙也。

九天丈人曰：天书万重，各论其妙，如此一事，亦足致灵真下降，振翮九霄，腾景玉清，游宴云宫也。自非妙法，西王母亦不秘之於中衿，大有亦不明其禁限也。

南极上元君曰：天有禁气之云，干於日月五〔星〕之分，在其方国，皆有合道之人，得仙之君也。如此之候，其象自见。

九天丈人云：得见此云，便依文礼祝，不必须其常日也。勤加在意，刻得云降，升腾有会也。正可封之於心，不得轻以示人，道泄则灵散，仙无由有感也。

### 元始锡西王母青金丹皇玉文

高上元始告灵九天太空祖宗。西王母讳婉衿，寔天九灵之气，混西金之魄，结紫云

之胞骨，炼日精之晖，吐纳七曜之华，协晨霞而餐太阳凤髓，喻於月精兰脑，凝於玉根金藏，结络丹形，入缠紫心，表明於丹皇妙图，高列于帝轩，寢景灵岳，灰心上？清，功济万品，惠溢有生，秉节独操，累劫长存，故致高上曲华，元始锡焉。以婉衿有金真之德，锡禅西元九灵上真仙母，青金丹皇之号，封掌龟山，总领元录，依俯仰征青琼之板金书玉字，给九天凤衣飞青羽，晨婴玉冠风云之舄，神凤紫轮飞行羽盖二十四乘，五色仗幡命灵之节，流金火铃夜光之烛，灭魔玉章九天韶信，卫以上宫西华玉女七百人，治西龟之山流精紫阙金华之宫，一月三登玉清，再宴昆仑，五校众仙五岳河海十方灵官，莫不总统，依具以言。诸应仪轨，悉如瑶台大有旧典三天正文。

### 施行青琼之板金书玉字

青琼之板金书玉字，青金丹皇锡文，皆出自九天大有宫中俯仰之格，皆结高玄空洞自然之章，以征於上真高圣之官，不施於始学。如金阙东华方

诸宫亦有仪轨，以召始学飞仙之人也。此亦悉出大有之格，但品第尊卑，以为高下之异耳。自非九天有名，方诸有录，终不见其篇目。得见其文，皆刻简来生，列图帝籍，应得神仙，故逆表於灵格。道成之日，自当更有天真下降，受其书锡文也。

南极上元君曰：金书玉字，皆刻书青琼板上，或书青玉板上。板长九寸九分，广二寸四分，以金缕字文，侍板玉童玉女各二人，典香检泄。依四极明科，百年内有其人，听一传。

南极上元君曰：琼玉非世人所能用，若有名於方诸，得见其文，亦可刻书青木板上，以金缕其字文，盛之青锦之囊，烧香朝礼，九年自当有天真降授琼玉之板也。

南极上元君曰：始生变化元录，与九气元洞俱生。高上玉皇，上圣帝真，皆结元洞之气以为形名之号，衣冠服彩皆出九天大有俯仰仪轨，乡居里号亦结自然而生。天有八会之气，四改之运，以钢维玉虚，分理阴阳，玄化治始，成生万品。高上众圣变形化景，皆随四时政易，顺运应命，与化推迁，无衰老之期，极化长存。故曰道无常名，此之谓也。王母德酬高玄，故为万气之母，是致元始锡征丹皇之号，玄授素书元录一卷，使授后圣神仙之徒，知元始之道结自然之号，有变化之气。得见其篇者，则九天逆书於仙籍，方诸刻名於丹台，加其精思，无出九年，克得与真被颜寝房，随四时变化，飞腾九天也。

南极上元君曰：上清之道高玄宝经，以存思为感，咽气为会，既得参其篇自，便应明其存思元始变化之象，知其形色光气文彩四时改易，将闭眼不

言而自到，咽气不引而自会也。如此不旬年而睹神，不旬月一而气充也。后学诸贤



，自可勤精其思，则玄空之可明也，接仙之有由也。

南极上元君曰：栽凡修上仙之道，思神念真，服气咽液，而不知元始之号四时变化，改易光象气之根源，徒闭眼於莽莽，空咽而无想，神真何由得降，气液何由得充也。对颜瞻目，由有晦暖，而况悠悠之中，不别其形气者哉。谓此徒劳於寢息，无益於空唱也中。

### 上清始生变化元录

元始皇上丈人，元玉虚之气，讳延世音，字观无觉，形长九千万丈。常以春三月，则冠九气流精紫曜之冠，衣九光锦袍，身佩九色无缝自然之绶，带六山火玉，常乘碧苍二色之云，坐则九色师子，光明炜晔，在上清之上玉虚之中，思之还长九寸九分。夏三月，元始皇上丈人则化形一身九头，长七千丈，戴九色之云，衣丹锦百变之光无缝之袍，带九大仙炼之剑，乘丹紫二色之云，坐九色之龙，光明流焕，在玉虚紫云之中，思之还长九寸。秋三月，皇上丈人则化形一身九凤之头，形长五千丈，九色斑纹虎衣，乘七色之云，华光交换，在上清之上，思之还长七寸七分。冬三月，皇上丈人则化形为青黑二色之光，勃勃如月之魄，此则反玉虚之气，更受炼元始之精，思之还复本元真形。

修元始之道，当以立春之日，沐浴入室，东向朝元始皇上丈人九拜毕，还北向叩齿九通，思皇上丈人随四时形像，在上清之上金相宫琼天府八明乡定真里中，回真下映，入兆明堂之中，微祝曰：

皇上开真，九道合明，变练虚无，洞映上清，分形化景，四运顺生，我享其真，与真合灵，内结玉仙，外缠八冥，八景扶翼，运致丹骈，乘云驾烟，策御上清，飞行云房，朝谒帝京。毕，仰咽九气止。能知元始变化形景，内讳秘名，则寿九百年。修之九年，与神交颜，则能变景飞行太空。

高灵九天王，元太虚之气，讳上观洞，字运梵，形长九千万丈。以秋三月，则头戴金华之冠，衣云文锦袍，带九光流铃交灵紫绶，乘丹碧二色之云，坐则九色师子，光明焕耀上清，思之还长七寸。冬三月，高灵九天王则化形九头，头戴九日，一身衣九色斑文凤衣，常乘青黄二色云，坐则九色师子，光明之辉炜晔，在上清之上，思之还反真形。春三月，九天王则化形分别为九人，口衔九月，衣凤文羽衣，常乘九色之云，坐则九色之烟，光明灿烂，在上清之上太虚之中，思之还反真形。夏三月，九天王则化形一，为紫青丹红四色之光，光气混沌照九天，此则反形太虚之气，更受炼九天之精，思之还反真形。

凡修九天真王之道，常以冬节之日，沐浴入室，西向九拜朝九天王毕，还北向叩齿九通，思九天王各随四时形象，在上清金兰宫太清府开明乡通真里中，回真下映，

入兆上元丹田之中，便微祝曰：

九灵元精，变炼上明，三合齐景，分气散形，出空入玄，上黄下青，历运回晨，参络朱戟、洞游高虚，回映我庭，混合真光，神化来生，能乘云浮，上戏上清。〔毕〕，仰咽九气止。修行九年，上感九天，刻得神真下降，授兆真书，自然得乘九色云舆，飞行上清。

玉真九天丈人，元紫虚之气，讳延世明，字系上连，形长九千万丈。冬三月，则须建飞精百变之冠，九色流光自然锦，佩衣九元通真之策，常乘五色之云，坐则九色之烟，光明炜晔，在上清之上，思之还长九寸。春三月，玉真九天丈人则化形为凤凰，一身九头，头戴九气玄精，衣九色斑文羽袍，常乘十二飞麟，坐则五色莲华之上，光明流曜百变之色，在上清之上紫虚之中，思之还反真形。夏三月，玉真九天丈人则化形为龙身人头，头戴十二光，衣青黄紫三色羽衣，口衔素绶，常乘九色之云，坐则五色师子，光照上清，思之还反真形。秋三月，玉真九天丈人则化形为紫绿二色之光，光气相绕如日月相杳，此则反形紫虚之气，更受炼九天之精，思之还反真形。

行玉真九天丈人之道，常以立冬之日，沐浴入室，西北向九拜九天丈人毕，还北向叩齿九通，思九天丈人各随四时形影，在上清丹灵宫开清府三合乡元明里中，回真下映，入兆洞房之中，便微祝曰：

九天上灵，元始自然，含炼八道，九真胎仙，中宝紫元，三素外缠，变景炼气，顺运流迁，洞化入微，我道早分，目招灵晖，心披五云，乘策八景，飞入帝晨。毕，仰咽九气止。知九天丈人变化形影，内讳秘字，便名书九天。修之九年，得见真神，乘空飞行，上升玉清。

道根九天元父，元洞根之气，讳九灵导，字混大真，形长九千万丈。春三月，头建七称朱玉之帟，无极宝天之冠，着九天凤衣神云凤舄，带素灵之绣，常乘碧霞飞舆，从十二飞龙，坐则九色华光，在玉清之上，光明百变，炜晔太空，思之还长九寸。夏三月，元父则化形一身九头，头戴九日，衣赤凤斑文虎裘，带十二色绶，乘九色之凤，坐则黄白二气之上，光明焕虚，洞耀玉清之中，思之还反真形。秋三月，元父则化形分为九人，同衣九色羽袍，带漫延龙渊之剑，虎头螯囊交灵素绶，坐九气玄空之上，光明变换，曜玉清细微之内洞根之中，思之还反真形。冬三月，元父化形为日精之光，与紫晖相杳，此则元父反形道根之气，更受炼洞根之精，与玄母合变混沌二像之光，思之还反真形。

行元父之道，当以太岁之日，沐浴清斋入室，西北向朝九天元父九〔拜〕毕，还北向平坐，闭眼思九天父各随四时形影，在於九天之上，太极琼宫玉宝之府丹灵乡洞元里中，回真下映，入兆上元昆仑之中，便微祝曰：

高上帝尊，元始大神，合真匡气，形秀紫天，乘云驾浮，络景八烟，回轮曲降，

道荫我身，得乘霄輶，奉侍灵輶，今日八会，上愿开陈，所求所乞，靡不如恩，长享元吉，与帝同存，策御八景，飞升玉晨。毕，仰咽九气止。行之九年，则睹真形，元父降侧，与兆共言，授兆宝书，九天上录，书名玉简，身登上清。轻泄此道，没身鬼官，殃及七祖，长充河源。

道极九天玄母，元洞渊之气，讳负沌，字黄大覆，形长七千万丈。以秋三月，头戴紫元玄黄宝冠，着青精神光锦绣霜罗九色之，华光十二色交灵紫绶，常乘紫云飞轮，从十二凤皇，三十六仙人，坐九色师子，光明流焕、在上清之上，思之还长六寸六分。冬三月，玄母则化形为人头乌口，口衔月精，衣青精飞罗之，交带流苏紫绶，常乘十二色云，坐则百变之光，洞照上清细微之内，思之还反真形。春三月，玄母则化形为凤身麟头，七色斑澜十二华光，流精交络，洞映上清细微之内，八冥之裹，思之还反真形。夏三月，玄母则化形为紫黄二色之光，如月之晖，五色流焕，洞映上清，此则玄母反形洞元之气，更受炼道极九阴之精，雌一合庆，化生万神，思之还反真形，九年则元父负籍於南阳，玄母降形於丹房。

修行玄母之道，当以本命之日，沐浴清斋入室，东南九拜朝玄母毕，还北向平坐，叩齿九通，闭眼思九天玄母随四时形影，在九天之上琼林七映之宫玉宝洞元之府九光乡上清里中，回真下映，入兆脐下命门丹田宫中，便微祝曰：

三合五离，混化二元，气结凝神，神变合魂，雌一含真，胎息生门，阴精玄降，淘灌形源，炼化明景，灵秀自然，今日上告，玄母开陈，十二上愿，保成玉真，五形纳泽，骨炼玉仙，轻身飞腾，乘虚络烟，上造紫极，奉接神颜。毕，仰咽三九气止。行之九年，玄母感悦，二景交欢，即动北帝消灭死名，上奉九天记录紫篇，得睹真形，飞行上清。轻泄我道，死充河源，七祖负役，十苦八难，刀山剑树，万劫不原，得者宝密，自然成仙。

皇老三天丈人，元洞虚之气，讳土定拔，字明梵宗，形长三十万丈。以春三月，头建通精七宝珠冠，衣飞云流光紫锦之袍，佩单皇命神之章，常坐五色百变之光，炜烨奕奕，在上清之上洞虚之中，思之还长三寸三分。夏三月，皇老三天丈人则化形为三头一躯，戴青黄绿三色之云，衣五色斑文之袍，坐十二华光之上，思之还反真形。秋三月，皇老三天丈人则化形通身黄金之色，项负十二色圆光，衣须臾百变之光锦袍，带金虎凤文之绶，坐三素景云之上，思之还反真形。冬三月，皇老三天丈人则化形为苍绿紫三色之光，混合相缠如月之魄，此则三天丈人反洞虚之气，更受炼皇老三天之精，思之还反真形。

修行三天丈人之道，当以甲子、庚申之日，沐浴清斋入室，西向心拜三过，朝皇老三天丈人毕，还北向平坐，叩齿九通，闭眼思三天丈人各随四时形影，在上清玉演

宫金融府上开乡正元里，回真下映，入兆华盖之中，便微祝曰：

三灵变化，五神混通，内含金仙，外炼真容，玉池华露，泽流紫房，回真曲荫，映彻五宫，内香外洁，骨兰胃芳，九孔纳灵，仙光逸充，得乘飞云，升入帝堂。毕，咽气三九止。此九天秘文，玄授以成真人。修行九年，得与真交颜，名书帝录，列图三元。轻泄漏慢，九天刺奸，罚以风刀，九祖充役，不得入仙。

虚上三天玉童，元玄虚之气，讳高玉肾，字元常在，形长三千万丈。以夏三月，头建三华宝曜洞天玉冠，衣青黄七变锦袍，带朱精禁天之章，坐十二色之云，百变之光，流焕上清之上，思之还长三寸二分。秋三月，三天玉童则化形为三童子，头戴日象，衣五色斑文虎衣，手把五色之幡，坐莲华之中，光明洞耀太清之上，思之还反真形。冬三月，三天玉童则化形为老翁，头建三角黄巾，衣黄锦之裘，手把九节金杖，坐五色云上，光明洞耀玉清之中，思之还反真形。春三月，三天玉童则化形为青黄白三色之光，更相缠绕如日月之辉，此则反玄虚之气，更受炼三天元生之精，思之还反真形。

修行三天玉童之道，当以太岁之日，清斋入室，南向三拜三过，朝三天玉童毕，还北向平坐，叩齿三通，闭眼内思三天玉童各随四时形影，在上清琼上宫丹明府三素乡元正里，回真下映，入兆两眉中间，便微祝曰：

三光朗明，六气郁清，含真固景，气秀华生，金仙父母，养育胎婴，百神哺飴，玄灌我形，使我景飞，骨升肉轻，徘徊云宫，出入八冥，与道齐真，三元同龄。毕，仰咽三气止。此三天秘道，正一玉文，秘在三宝之宫，不得妄传。见其篇目，修行九年，与真合景，飞行玉清。轻泄天宝，罚以风刀，九天刺奸，七祖充役，不得入仙。

高上玉宝九霄丈人，元六虚之气，讳上开，字通大明，形长九千万丈。以秋三月，头建紫元流光九变之冠，衣丹锦七色文光之，带三宝启灵之策，佩豁落七曜元章，立九色师子之上，光明灿烂，洞照玉清，思之还长九寸九分。冬三月，九霄丈人则变形一身九头童子，衣九彩云光锦衣，坐绛云之上，手执华幡，光明灿烂，洞照玉清，思之还反真形。春三月，九霄丈人则变形九人，状如童子，各衣一色之衣，口衔日象，坐九色云上，光明流焕，映照玉清，思之还反真形。夏三月，九霄丈人则变为九色之光，更相缠绕如云之升，此则丈人反六虚之气，更受炼高上玉宝之精，思之还反真形。

修行九霄丈人之道，当以立秋、本命之日，清斋入室，西向九拜朝丈人毕，还北向叩齿三通，闭眼思丈人各随四时形影，在玉清启金宫重冥府上合乡六会里，回真下映，入兆九孔之户，便微祝曰：

玉霄九回，神真散灵，六虚灌元，高上流精，混合反胎，受炼化生，四度回周，我道莹明，太一勒录，元君记生，五符参差，布养我形，三部八景，运致紫輶，飞仙羽服，翠裙锦青，双珰结带，金符玉铃，真人降授，使我升清，乘空步虚，上谒帝庭。毕，仰咽九气止。此九天上道，秘於玉房，万劫一出。

上灵紫映九霄真王，元玉皇之气，讳灵瑞，字应观世，形长九千万丈。以冬三月，头建金华飞天冠，衣日生流精文袍，佩流金凤玺，带百变交金之剑，立九色莲花紫云之中，光明洞照玉清之上，思之还长九寸九分。春三月，九霄真王则变形，头戴九星，口衔金铃，手执日象，衣服如法，立紫云之上，光明焕焕，洞照上清，思之还反真形。夏三月，九霄真王则变形为九人，并衣青羽之衣，头各戴一月，各执九色麾幢，在紫云之上，思之还反真形。秋三月，九霄真王变为青白玄三色之光，更相缠绕如云之升，光明奕奕，洞照上清，此则反玉皇之气，更受炼上虚紫映之精，思之还反真形。

修行九霄真王之道，当以秋分、太岁之日，清斋入室，西北向九拜朝真王毕，还北向叩齿九通，闭眼思真王各随四时形影，在玉清七映宫凤生府上虚乡化仙里，回真下映，入兆九户，伏源上关之中，便微祝曰：

九道映明，紫霄分流，三气混沌，合真冥枢。玄灵布元，散化上虚，无英携老，白元度符，司命检生，五神灌躯，道合成真，元皇同济，上参玄图，飞升太无。毕，仰咽九气止。此皇上秘道，藏於瑶台九曲玄房，依太真科万劫一传，自非玄挺妙质，名书九天，不得参知。见是篇目，寿同劫年，修之九年，升飞上清，轻泄灵文，身死失仙。

高上虚皇君，元上皇之气，讳幽造，字大法朗，形长七千万丈。以冬三月，头建无上七曜宝冠，衣明光飞锦珠袍，佩丹皇玉章，常乘九色之云，坐九色师子，光明焕曜，在玉清之上，思之还长七寸二分。春三月，高上虚皇君则化形为人头龙身，九色斑斓，戴日捧月，坐十二华光，光明焕曜，在玉清之上，思之还反真形。夏三月，高上虚皇君则化形为上皇仙形，项负圆光七十二色，衣百变光明锦衣，光明焕照千亿万重，思之还反真形。秋三月，高上虚皇君则化形玄黄绿三色之光，更相缠绕如太素之行云，此则高上反上皇之气，更受炼高上之精，思之还反真形。

修行高上虚皇之道，当以九月九日、三月三日，沐浴清斋入室，北向平坐，心拜九过止。还北向坐，叩齿九通，闭跟内思高上虚皇随四时形影，在上清元宝宫金上府离合乡明光里，回真下映，入兆上元血液之府，便微祝曰：

九元离合，飞根结真，洞景上灵，黄云内缠，宝明齐映，落华生烟，镇固上元，映照我身，三宫保炼，六府光津，策御八景，玄老周旋，乘空步虚，出入无间，上辅高上，虚皇帝臣，八会庆纳，请如所陈。毕，仰咽九气止。此高上秘道，变化混生

，知者与高上齐真、修之九年，飞行玉清。轻泄七祖充责，身役河源，依九天之科，不得入仙。

紫虚高上元皇道君，元明皇之气，讳明上基，字飞冥范，形长五千万丈。以春三月，头建紫元通天宝冠，衣青黄绿三色锦袍，佩招真玉策，带流光凤章，常乘紫碧二色之云，坐十二色莲华之上，光明炜晔，在上清之中紫虚之内，思之还长五寸五分。夏三月，高上元皇道君则变形，色如黄金，项负圆轮十二光，衣七十二条九彩飞天之衣，坐九色师子之上，思之还反真形。秋三月，高上元皇道君则变形为凤头人躯，衣九色斑文虎衣，坐五色云上，思之还反真形。冬三月，高上元皇道君则变形为碧皂黄三色之光，更相缠绕，在紫虚之中，此则反明皇之气，更受炼紫虚之精，思之还反真形。

修行高上元皇之道，当以太岁之日，沐浴入室，南向心拜三过，朝元皇毕，还北向叩齿十二通，闭眼内思高上元皇道君随四时形影，在上清金灵宫丹神府元洞乡通耀里，回真下映，入兆通神之户，便微祝曰：

明皇元道，高上紫元，三变九合，结成洞门，朱精烂绮，飞生黄云，五符固死，保命长存，回真混合，使我成神，

三宫安镇，九孔结仙，四时变化，与帝合真。毕，仰咽九气止。此高上秘密之道，三变九炼，自然成真，得行其法，九年飞行，与神合形。轻泄漏慢，九祖充责，身没幽泉，长谢四极，不得入仙。

上皇玉虚君，元紫皇之气，讳明世兰，字曲常清，形长三千万丈。以夏三月，头建通精七宝华冠，衣九色飞云锦，佩丹文紫章，常立紫气之云，七色莲华，光明炜晔，洞照上清，思之还长三寸三分。秋三月，上皇玉虚君则变形一面四眼，身为凤躯，九色斓斑，在黄白红三气之中，立五色师子之上，思之还反真形。冬三月，上皇玉虚君则变形为男子，手执五色之华，衣五色之衣，在紫云芝之上，思之还反真形。春三月，上皇玉虚君则变形为黄赤青三色之光，混沌状如浮云，在紫虚之内，此则上皇反玉虚之气，更受炼紫皇之精，思之还反真形。

凡修行玉虚君之道，当以八节之日，清斋东向三拜，朝玉虚毕，还北向叩齿三通，闭眼内思上虚皇玉君随四时形影，在上清朱精宫生真府太丹乡三宝里，回真下映，入兆泥丸后门之中，便微祝曰：

玄明紫皇，八气飞空，幽幽冥冥，混化十方，敷灵演真，焕曜金光，紫微炼精，结成仙容，八景腾飞，乘云驾空，控轡太虚，逍遥上宫。毕，仰咽七气止。此上皇金匱秘道，有名书紫简，刻图丹台，当得此文，修行九年，飞行上清。轻泄秘要，身没鬼官，不得入仙。

三元太明上皇君，元虚皇之气，讳寂欣平，字灵劫化，形长七千万丈。秋三月，头建丹华紫曜飞天冠，衣五色云罗之袍，佩流金火铃，带神虎玉章，常立紫云之上，光明炜晔，七十二变，照明上清，思之还长七寸二分。太明上皇君，以冬三月，则化形人头龙身，五色玄黄，在紫虚之上，立九色云光绝空之中，思之还反真形。太明上皇君，以春三月，则化形为三月之晖，流光燭照上清之中紫虚之内，思之还反真形。太明上皇君，以夏三月，则化形为赤白二色之光，如太素之云，在紫虚之中，此则太明上皇君反三元之气，更受炼虚皇之精，思之还反真形。

修行上皇君之道，常以本命、太岁之日，沐浴入室，南向心拜太明上皇君毕，还北向叩齿三通，闭眼思太明上皇君随四时形影，在上清紫融宫生真府七相乡六元里中，回真下映，入兆左方融生宫中，便微祝曰：

三元太明，洞景朱灵，玄气散真，混合元精，帝一变化，保命黄宁，八气飞腾，六宫常生，玄老同符，我道已明，三光翼景，羽服郁青，策轡丹舆，飞入月庭。毕，仰咽十二气止。得修此道，则名书九天，上真降席，飞行玉清。轻慢泄漏，身没鬼官，不得入仙。

皇上万始先生，元上皇之气，讳幽朗兰，字通大范，形长九千万丈。冬三月，头建丹阳日精之冠，衣赤云明光锦袍，佩金虎凤丈，带丹皇紫章，常乘白素之云，坐五色师子，光明流焕，照映上清，思之还长二寸一分。春三月，万始先生则变形为人躯三头凤凰，衣九色斑文虎衣，常立十二华光，思之还反真形。夏三月，万始先生则变形为三日之晖，紫光八芒，烂映焕明，在上清之上，十二色莲华之中，思之还反真形。秋三月，万始先生则化为青赤紫三色之光，更相缠绕如日之轮，此则反皇上之气，更受炼上皇之精，思之还反真形。

修行万始先生之道，常以本命、八节之日，沐浴入室，北向心拜先生毕，叩齿三通，闭跟思先生随四时形影，在上清融华宫金魂府明灵乡上张里中，回真下映，入兆右方阴极宫中，微祝曰：

万始三精，散气九微，上景登正，明道四飞，玄母开愿，八间解怀，保录中元，帝真徘徊，变化三形，体无常衰，混合光象，日月齐晖，飞登玄宫，升入紫微。毕，仰咽九气止。此高玄妙秘黄房宝文，得见其篇，书名九天，修行飞仙，白偶升天。

上皇先生紫晨君，元高元之气，讳欣平渊，字道元极，身長九千万丈。春三月，建通天宝晨冠，衣七色流明云光珠袍，佩上相制灵之符，带混真东蒙之策，坐九色苍龙，在青云之上，光明流曜，洞照上情，思之还长九寸九分。夏三月，化形龙头人身，五色斑斓，文彩焕曜，在紫云之中，光明彻照，映朗十方，思之还反真形。秋三月，化形人头龙身，九色斑斓，文彩光明，洞照上清，思之还反真形。冬三月，化形青黑二色之光，更相混合，光明洞曜，映照上清，此则反上皇之气，更受炼元

高元之精，思之还反真形。

修行紫晨君之道，常以立春之日，东向九拜朝紫晨君毕，还向叩齿九通，思紫晨君随四时形影，在玉清紫玄上宫朱映府金精乡化灵里中，回真下映，入兆肝之上门，微祝曰：

上皇散灵，紫晨纳精，三华洞发，四度鲜明，流真交庆，回映我庭，三元混合，我道以成，仙衣羽服，锦裳飞青，九龙策轡，飞行上灵。〔毕〕，仰咽九气止。

紫虚皇上太帝君，元洞元之气，讳灵明谷，字大范宗，长八千万丈。夏三月，建九气流精紫曜之冠，衣九色无缝自然之，佩七元交光之章，带元皇命真之策，坐神凤之上绛云之内，光明炜晔，洞照上清，思之还长八寸八分。秋三月，化形凤头人形，九色斑斓，文彩光朋，〔立〕莲华之上，在素云之中，思之还反真形。冬三月，化形人头凤身，口衔火铃，文彩灿烂，洞照上清，思之还反真形。春三月，化形为青赤二色之光，光明赫赫，照明上清，此则反紫虚之气，更受炼元洞精之精，思之还反真形。

修行太帝君之道，常以立夏之日，入室南向八拜，朝太帝君，还北向叩齿九通，思太帝君随四时形影，在玉清变云宫中丹曜府金华乡日精里中，回真下映，入兆心房上关，微祝曰：

紫虚吐精，皇上纳气，二元交庆，混合齐契，流津濯灌，泽洒九外，是日上吉，我享元泰，玉华流溢，洗尘扫秽，六腑开清，身无毫翳，明道八景，辅成仙位，仰咽灵芝，还童反艾，肉轻骨飞，升入无际。〔毕〕，仰咽八气止。

紫虚皇老上帝君，元洞精之气，讳虚盈，字元衡豁，长六千万丈。秋三月，建金华七曜之冠，衣云文日精锦袍，佩皇天杖幡，带九光灵章绶，立素云之中，坐七色师子，光明流焕，洞映上清，思之还长六寸六分。冬三月，化形虎头人身，黄白锦袍，文彩明曜，立玄云之中，坐九色，灵照十方，思之还反真形。春三月，化形人头虎身，九色斑斓，光彩焕焕，照明上清，在紫虚上清之中，思之还反真形。夏三月，化形为赤白二色之光，光明奕奕，照明四方，此则反紫虚之气，更受炼元洞之精，思之还反真形。

修行上帝君之道，常以立秋之日，入室西向六拜，朝帝君毕，还北向叩齿十二通，思上帝君随四时形影，在玉清金门官治精府三炼乡九变里中，回真下映，入兆肺宫中节间，微祝曰：

皇老开张，四运改灵，炼度三关，变化饰形，是日庆合，万气交并，太上度符，司命典生，削灭死根，勒录上清，上享元吉，靡不利贞，寿同三光，与真齐灵，得乘



飞景，上造帝庭。毕，仰咽十二气止。

玄虚太真洞景君，元洞融之气，讳游上飞，字玄开梁，长五千万丈。冬三月，建无上七曜宝冠，衣朱玉文明光飞锦，佩丹皇玉章，带招仙之剑，在玄虚之中，立五色师子之上，光明曜映照上清，思之还长五寸五分。春三月，化形为仙人，色如金刚，项负宝圆，衣龟文大衣，光照十方，在青云之中，思之还反真形。夏三月，化形为灵龟，三百六十文章，口衔七星，坐华盖之下玄云之上，光明奕奕，照映上清，思之还反真形。秋三月，化形为白黑二色

之光，光色沌沌如玉之精，此则反玄虚之气，更受炼元洞融之精，思之还反真形。

修行洞景君之道，常以立冬之日，入室北向五拜，朝洞景君，叩齿三通，思洞景君在玉清琼容宫太丹府朱雀乡崖中里中，回真下映，入兆肾府双阙之内，微祝曰：

洞真高清，四运炼仙，道合中元，变化自然，流津玄洒，庆布我身，上享元吉，利贞受恩，太一度符，元君科山，绝灭死尸，斩断胞根，八景辅翼，总录万神，降致云舆，运我升晨。毕，仰咽五气止。行之八年，刻得玄升，中真降见，授兆真经宝章。

皇上玉帝，元高晨之气，讳大宁，字大幽始，长三千万丈。春三月，建七宝珠冠，衣九色虎衣，佩金虎凤文，带神虎玉章，乘七元之精，立朱雀之上，十二华光，焕明玉清洞虚之中，思之还长三寸三分。夏三月，化形项负七色宝盖，两手斗星，立日晖之中，光明炜晔，在上清之上，思之还反真形。秋三月，化形人头，为朱雀口，衔日象，立紫云之上华盖之下，光昕奕奕，映照上清，思之还反真形。冬三月，化形为玄黄苍三色之光，更相缠绕，在紫虚之中，则玉帝反皇上之气，更受炼高晨之精，思之还反真形。

修行玉帝之道，常以月一日、十五日，沐浴入室，东向心拜，朝玉帝毕，还北向叩齿十二通，闭眼思皇上玉帝随四时形影，在上清洞云宫雾仙府仙变乡定微里中，回真下映，入兆两眉中间，微祝曰：

明上帝皇，腾景高微，九变紫元，四气炼晖，三合中宫，五化徘徊，混合帝一，万气总归，安灵元室，镇固九扉，三部八景，齐真相随，共乘云龙，升我高飞，长享帝籍，亿亿不衰。〔毕〕，仰咽九气止。此皇上之道，紫房中秘言，授於金名玉字合真之人，得者飞仙，与帝合形，轻泄身死，七祖充责，万劫不得入仙。

太素高虚上极紫皇君，元明晨之气，讳宗梵怜，字玄上门，长#1五千万丈。夏三月，建天元七宝冠，衣九色珠绛云光锦，佩六山火玉，带灵飞紫绶，立五色师子莲华之上，焕明上清七十四方，思之还长五寸二分。秋三月，化形人头虎躯，玄黄斑

文，文彩灿烂，光照十方，在紫气之中，立五芝之上，思之还反真形。冬三月，化形通身金光，项负华盖，衣三十二色，有如天仙之象，光明奕奕，照朗上清，思之还反真形。春三月，化形为紫黄绿三色之光，更相缠绕，三气混沌，在上清之中，此则紫皇反太素之气，更受炼明晨之精，思之还反真形。

修行紫皇君之道，常以庚申之日，情斋入室，南向心拜紫皇君毕，还北向叩齿三通，闭眼思紫皇道君随四时形影，在上清金耀宫紫曜府七元乡华盖里中，回真下映，入兆紫房宫中，微祝曰：

明晨散灵，紫皇纳晖，太素九变，四炼洞微，太一监命，公子保哀，帝君理命，三元齐回，与真并契，福祚巍巍，策龙飞升，上造云扉。毕，仰咽九气止。此金房秘要，传上清真人，得者飞仙，位齐高真。轻泄漏慢，身役河源，

七祖谢责，不得入仙。

虚明紫兰中元高崱君，元太晨之气，讳惠智，字通大业，长三千万丈。秋三月，建三华宝冠，衣神精七色之袍，带流金紫章，佩石精金光之剑，立碧霞之上，七色虎辇，光明焕焕，三十二色，思之还长三寸三分。冬三月，化形虎身龙头，五色斑文，光明奕奕，在碧云之中五色莲华之上，思之还反真形。春三月，变形三头凤皇，九色文彩光明灿烂，照映上清，思之还反真形。夏三月，化形为紫碧二色之光，更相缠绕，如日之升，此则高崱君紫兰之气，更受炼元明太晨之精，思之还反真形。

修行中元高崱君之道，常以立秋之日，清斋入室，西向拜朝高崱君毕，还北向叩齿十二通，闭眼思高崱君随四时形影，在上清灵映宫神变府三轮乡成真里中，回真下映，入兆五藏五城之宫，微祝曰：

太晨回景虚明分，变合九炼三真轮，津灵灌溉五城门，镇神固气塞死源，上招高虚致仙群，飞行羽步升金门，世享帝席命长全，七叶同欢离五根。毕，仰咽三气止。此紫兰宝诀，万劫一宣，得者飞行，上升玉清。

紫虚玉皇先生紫晨君，元玉晨之气，讳灵会消，字度众光，长七千万丈。冬三月，建七宝飞华冠，衣九色紫锦华裙，佩龙景七变虎符，立五色师子之上，十二华光明照十方，思之还长七寸七分。春三月，化形为九色之凤，口衔素绶，文身斑斓，光耀上清，思之还反真形。夏三月，化形人躯九头之鸟，九色文彩，光明炜晔，映照上清，思之还反真形。秋三月，化形为紫苍赤三色之光，混沌相绕如云之交，此则紫晨君反紫虚玉皇之气，更受炼玉晨之精，思之还反真形。

修行紫晨君之道，常以太岁之日，清斋入室，北向心拜朝紫晨君，叩齿三通，闭眼思紫晨君随四时形影，在上清变光宫九合府自然乡永康里中，回真下映，入兆左

腋下，微祝曰：

九玄生紫晨，皇景发琼华，三炼洞神府，七入金离沙，吐纳餐童阳，含漱引日葩，四改随运生，妙景保朱霞，有能明此诀，携手步北阿。毕，仰咽七气止。此金房宝文，得修真道，飞行玉清。

紫虚三元紫精君，元紫晨之气，讳明上耀，字朋大光，长九千万丈。春三月，建九元飞晨婴冠，衣丹锦飞裙，佩九天龙文虎书，带日精育延之剑，立五色莲华之上，项负七宝之光，思之还长九寸九分。夏三月，紫精君化形为童子，额云角髻，衣五色彩衣，手执华幢，光明，灿烂，照映上清，思之还反真形。秋三月，化形龙头蛇躯，青黄灿烂，光曜玉虚，思之还反真形。冬三月，化形为紫青白三色之光，混沌如日月之晖，此则反紫虚三元之气，更受炼紫晨之精，思之还反真形。

修行紫精君之道，常以春分之日，清斋入室，东向心拜，朝紫精君毕，还北向叩齿十二通，闭眼思紫精君随四时形影，在上清玉宝宫洞灵府金相乡升乐里中，回真下映，入兆心房之中，微祝曰：

紫霄散朱灵，丹霄焕玉清，三元踊飞盖，徘徊紫阶庭，反我自然气，受炼莹玉形，养味月中水，仰吸朱日精，三华齐明景，策气迅八辔。毕，仰咽七气止。此九天秘祝，玉房宝文，得行其道，飞腾玉清。轻泄漏慢，身役河源，不得入仙。

真阳九老玄一君，元洞晨之气，讳明流烂，字宣通勃，长五千万丈。夏三月，建宝晨通精冠，衣九色云文锦袍，佩太上命神之章龙景丹文，立紫云之上，坐七色莲华，光明灿灿，思之还长五寸五分。秋三月，化形为婴儿，坐紫虚之中，戴五色华盖，把五芝华幡，思之还反真形。冬三月，化形为月光，青色郁郁，在紫云之中青华之上，光明流照，洞映上清，思之还反真形。春三月，化形为青绿玄三色之光，混沌相缠如云之交，郁勃上清之中，此则反真阳元老之气，更受炼元洞晨之精，思之还反真形。

修元老玄一之道，常以立夏之日，清斋入室，西向三拜朝元老毕，还北向平坐，叩齿十二通，思元老玄一君随四时形影，在上清飞玄宫洞太府九元乡三关里中，回真下映，入兆命门之处，微祝曰：

洞晨炼真阳，玄老乘虚发，四化变妙根，蕾买景曜朗月，迅虚亭丹衢，策辔之朱律，曲引冥乡交，同集九灵阙，微哉保劫功，谁测浮与没。毕，仰咽九过止。有知玄一四时变化，修之九年，则见真形下降寝房，能变形太虚，飞行上清。

太微天帝君，元洞元之气，讳大崇属，字元洞度，长三千万丈。秋三月，建九元飞婴冠，衣七色风云之袍，带夜光宝章交灵素绶，立五色师子之上，身生三十二色宝

光，在上清之上，思之还长三寸二分。冬三月，化形为无量真人，身负金光，照明十方，立九色之华，手执金铃，思之还反真形。春三月，化形为日光，紫芒焕映玉虚之上，照明十方，思之还反真形。夏三月，化形为白苍绿三色光，更相缠绕如云之沓，此则帝君反太微之气，更受炼洞元之精，思之还反真形。

修天帝君之道，常以春分之日，沐浴入室，东向再拜朝帝君毕，还北向平坐叩齿三通，思帝君随四时形影、在上清云霞宫八朗府三真乡五晨里中，回真下映，入兆右腋下，微祝曰：

洞源变灵，九色明鲜，回合太微，四化成真，玉虚郁勃，景曜朱烟，含华漱泉，飞芳八缠，仰餐流晖，炼灌我身，我身变化，升入九天，上书仙籍，与帝结缘。毕，仰咽九过止。有知帝君四时之变，寿同二一光，修行其道，飞行上清，轻泄漏慢，七祖充责。

青灵阳安君，元洞浩之气，讳度众法，字大开明，长五千万丈。冬三月，建三精芙蓉晨冠，衣云文丹锦飞裘，履九色师子，佩流金火铃，交带七元，身生七变之光，炜晔玉清之上细微之内，思之还长三寸三分。春三月，化形为老公，头戴飞龙，口衔月，身衣羽衣，手持紫绶，在丹霞之上，照明玉清，思之还反真形。夏三月，化形为虎头人身，五色斑斓，光照十方，思之还反真形。秋三月，化形为黄绿紫三色之光，混沌上清，如日之晖，此则反青灵之气，更受炼洞浩之精，思之还反真形。

修行阳安君之道，常以立春之日，沐浴入室，东向再拜朝阳安君毕，还北向叩齿九通，思阳安君随四时形影，在上清招摇宫六合府广灵乡洞泉里中，回真下映，入兆两丸之间车轴下户，微祝曰：

洞浩峙五华，神晖灌青灵，混合帝一气，变化随运生，通朗始神堂，发幽炼丹形，玄玄九元内，寥寥中有精，真景耀云宫，奕奕照三清，回映细微中，表尔形与名，气入神寂房，回宴紫霄骈。毕，咽气三过止。有知阳安四化之形，寿同天地，修之九年，白日飞行。

上元太素三元君，元晨华之气，讳云育瑛，字勃芝，长三千万丈。春三月，建宝玄扶晨羽冠，服紫气浮云锦帔，九色龙锦羽裙，腰带流金火铃虎符龙书，坐於太空之中，膝下常有丹绿青三素之云，光明炜晔，映照十方，在九天之上细微之内，思之还长七寸。夏三月，化形一身三头，戴七称宝冠，服三素飞云锦衣，立九色凤凰，上照十方，思之还反真形。秋三月、化形为七曜华精玉光，炜晔紫云之上，光色郁郁如日之晖，思之还反真形。冬三月，化形为紫白黄色之光，蓊蓊勃勃如金之精，此则反上元太素之气，更受炼晨华之精，思之还反真形。

修行三元之道，常以本命、太岁之日，沐浴入室，西向三拜朝三元君毕，还北向平

坐叩齿九通，思三元君随四时形影，在上清宝素宫九玄府晨华乡玉皇里中，回真下映，入兆九孔之户，微祝曰：

三素回天元，流霄翼玉灵，靡靡乘玄散，飘飘虚上清，把我自然运，改化岂常名，妙觉始玄旦，欣我万劫龄，太霞虽云辽，洞映监有情，相与携玉契，同期九天辔，咽三气止。此紫元六合宫中秘道，有知三元四时之化不死，修行其道，飞行上清。

高上太素君，元洞观之气，讳宝洞通，字明世宗，长三千万丈。夏三月，头戴紫元宝冠，衣丹锦七色之，佩豁落七曜元章，带三宝招仙之策，立五色莲华之上，光明焕照，思之还长七寸。秋三月，太素君则变形龙头人身，五色斑斓，光明流曜，映照十方，思之还反真形。冬三月，太素君则变形三日之象，光映混沌，照明上清，思之还反真形。春三月太素君则变形苍白二色之光，奕奕在元气之中，紫霄之上，此则反高上太素之气，更受炼元洞观之精，思之还反真形。

修行太素君之道，常以甲子日，沐浴入室，西北向再拜朝太素君毕，还北向平坐叩齿三通，思太素君随四时形影，在上清无量宫映天府七相乡九转里中，回真下映，入兆背中骨节之府，微祝曰：

太素策运，四景虚飞，通精散气，炼变紫晖，三宝华盖，绿辔徘徊，流映霞庭，光曜高微，来变我神，生我羽衣，轻翔毛服，八气齐飞。毕，咽气八过止。知太素随四时之变，则寿万年，修行其道，飞行上清，轻泄灵文，身死失仙。

上清紫精三素君，元洞阳之气，讳霄华，字法灵曜，长七千万丈。秋三月，头戴通精晨冠，衣五色斑文虎衣，佩交灵素绶，带招仙之剑，立九色师子之上，项生圆光，照明上清，思之还长七寸。冬三月，紫精三素元君则变形为凤头人身，衣苍碧紫三色羽衣，光明流焕上清之中，思之还反真形。春三月，紫精三素元君则变形人头龙身，文彩焕曜，照明上清，思之还反真形。夏三月，紫精三素元君则变形为黄黑二色之光，混沌相缠如云之升，此则反紫精之气，更受炼洞阳之精，思之还反真形。

修行三元君之道，常以庚申之日，沐浴入室，西向再拜朝元君毕，还北向平坐叩齿三通，思元君随四时形影，在上清玉皇官宝云府三气乡交灵里中，回真下映，入兆大槌骨首之户，便微祝

曰：

紫精散景晖，变炼九气庭，方圆三便府，离合改运生，吐津灌日根，皇华曜紫清，寻我高上道，微中有至灵，谁能回我舆，与尔结玄名。毕，咽气三过止。有知此道，三素降真形，修行九年，飞行上清。

皇清洞真君，元明皓灵之气，讳元宝琮，字理玄赜，长五千万丈。冬三月，冠三梁玉晨之冠，衣七色虎文之裘，带流金火铃七色杖幡，立三素飞云之上，光明炜晔玉虚之内，思之还长五寸五分。春三月，洞真君变形，头巾黄巾，衣四十二条法衣，手执华幡，在紫云之上，思之还反真形。夏三月，洞真君则变形，冥目闭视，头戴华盖，足履莲华，思之还反真形。秋三月，洞真君则变形为黄白二色之光，光明流焕在太空之中，照明十天，此则反皇清之气，更受炼明皓灵之精，思之还反真形。

修行洞真君之道，以立冬之日，沐浴入室，北向三拜，朝洞真君毕，还北向平坐，叩齿十二通，思洞真君随四时形影，在上清洞玄宫清微府玉相乡金婴里中，回真下映，入兆口之四际中，微祝曰：

皇清标晨晖，灵气翼虚迁，飘飘九元上，靡靡入帝晨，仰吸月中水，俯引曰华根，洞炼广灵气，流芳灌我真、乘运寻帝景，意合致玉仙。毕，咽气七过止。有知洞真四变之道，三年则与神交言，修行九年，飞行玉清。

皇上四老道中君，元洞虚之气，讳镜际，字浩元，长七千万丈。春三月，头建明真七宝玉冠，衣凤文斑袍，佩豁落流铃，带招真之剑，立于九色师子之上，十二华光在上清之上，紫虚之中，思之还长七寸。夏三月，道中君则变形为小儿，衣五彩之衣，口衔七星，立白云之上，思之还反真形。秋三月，道中君则变形为人头蛇身，五色斑斓，在玉虚之上，思之还反真形。冬三月，道中君则变形为青赤白主色之云，更相缠绕，在玄空之中，此则反皇上之气，更受炼洞虚之精，思之还反真形。

修行道中君之道，常以冬至日，沐浴入室，东南向四拜，朝道中君毕，还北向平坐，叩齿十二通，思道中君随四时形影，在上清流精宫会明府太仙乡三清里中，回真下映，入兆背穷骨地户，微祝曰：

四老中真，散华云房，回景四陈，变化八方，吐纳三精，流映我宫，仙魂仙魄，髓结玉容，乘虚策霄，飞入太空。毕，咽气四过止。有知道中君四变之道，寿享万年，修行致神降，白日升天。

玉晨太上大道君，元虚灵之气，讳器猷，字波苦渊，长九千万丈。秋三月，头建百变神光玉冠，披飞森霜珠之袍，七色虎衣，佩九色离罗之章，带晨光月明之铃，坐七色之云，光明流曜上清之中，思之还长九寸。冬三月，太上道君则变形，头戴七光圆轮，身着三十二色法衣，立九色师子之上，光明炜曜，在上清之上太微之中，思之还反真形。春三月，太上大道君变形为老子，头戴角巾，身着虎文之衣，手执金符，在五芝华上，思之还反真形。夏三月，太上大道君变形为紫黄二色之光，光明奕奕，更相缠绕在紫虚之中，反玉晨之气，更受炼虚灵之精，思之还反真形。

修行大道君之道，常以八节、本命之日，沐浴入室，北向再拜朝玉晨君毕，还北向

平坐，叩齿九通，思玉晨君随四时形影，在上清蕊珠宫日阙府紫映乡金光里中，回真下映，入兆颈处十二间梁之中，微祝曰：

玉晨带高灵，总真御八清，玉华披丹房，紫凤曜云营，携致玄都真，同炼朱丹精，随化变五神，营晖明上灵，元道无穷方，微我妙有生，命仙度符籍，表尔形与名。毕，仰咽五气止。此高上玉篇，知者寿万年，修之九年，飞升

上清，轻泄至妙，身死不仙。

中央黄老君，元五晖之气，讳无英生，字云九夜，长三千万丈。夏三月，头建宝琅晨冠，衣九色云文裘，带交灵紫绶，十二色华光，常立五色师子之上，光明流曜上清之中，思之还长三寸三分。秋三月，中央黄老君则变形为玉童，头戴七精之华，衣飞天羽衣，手执华幡，思之还反真形。冬三月，中央黄老君则变形为大仙，通身黄金色，衣七色衣，项负圆光，足履莲华，光明流焕，思之还反真形。春三月，中央黄老君则变形为紫绿青三色之光，更相缠绕在玉虚之上，此则反中央之气，更受炼元五晖之精，思之还反真形。

修行黄老君之道，常以庚申、甲子之日，沐浴入室，东北向三拜朝黄老君毕，还北向平坐，叩齿十二通止，思黄老君随四时形影，在上清空映宫金珠府上精乡昌乐里中，回真下映，入兆胸中四极中，微祝曰：

太清连玉虚，玄云散朱宫，四化分流逝，化化改常容，妙景乘灵恍，混合生空伺，得真在感会，高下玄成双，静念自形丧，心希冥岭峰。毕，咽气五过止。得知黄老四变之容，寿享万年，修行其道，飞行上清。

太极大道元景君，元上融之气，讳道大师，字度大明，长三千万丈。秋三月，头建晨婴宝冠，衣无缝九色单衣，佩神虎上符，带宝仙之剑，项负流金之光，照明七十四方，立玄龟上，思之还长三寸三分。冬三月，大道元景君则变形为虎头龙身，五色文彩，照明上清，思之还反真形。春三月，大道元景君则变形为老子，散发至腰，衣飞青羽衣，立紫云上，思之还反真形。夏三月，大道元景看则变形为青赤二色之光，混混沌沌，更相缠绕在紫虚之上，此则反太极之气，更受炼元上融之精，思之还反真形。

修行元景君之道，常以立秋之日，沐浴入室，西向再拜朝元景君毕，还北向平坐，叩齿三通，思元景君随四时形影，在上清长命宫八缥缈府上元乡会灵里中，回真下映，入兆胃管之户高膜之中，微祝曰：

元景洞玄，九微炼形，四运变化，随气改生，生真混合，流映八冥，我乘日吉，上告帝灵，求仙升飞，八景齐并，万倾会集，得御流輶，升入九虚，朝谒三清。毕，

仰咽十二气止。有知元景四变之道，寿三千岁，修之九年，与真同景，飞行上清。

太清大道君，元景玉融之气，讳负上合，字灵幽会，长三七千万丈。冬三月，头建九元通天之冠，衣九色龙衣，佩三气中章，带交灵素绶，足立三素之云，光明焕曜，在上清之上，思之还长三寸二分。春三月，太清大道君则变形为三头之凤，口衔素绶，一身有九色之羽，文彩灿烂，洞映上清，思之还反真形。夏三月，太清大道君则变形为三月之圆光，色赤沌沌如车之轮，光明洞曜在太清之上，思之还反真形。秋三月，太清大道君则变形为紫白黄三色之光，光明焕焕，洞照上清，此则反太清之气，更受炼元景玉融之精，思之还反真形。

修行太清大道君之道，常以立春之日，沐浴入室，北向三拜朝道君毕，还北向平坐，叩齿三通，思大道君随四时形影，在上清上初宫始生府六合乡风生里中，回真下降，入兆喉内极根之户，微祝曰：

太清散灵，九晖吐津，金光玉符，五色流烟，上化下合，变景九天，万神混炼，内照成仙，入室辅真，飞晨帝庭。毕，仰咽三气止。有知此道则不死，修之九年神仙。

皇初紫元君，元融生之气，讳兴劫行，字一气真，长九千万丈。春三月，头建紫元宝琅神冠，衣三色虎文之裘，佩素灵之绶，立三素之云，光明焕照，洞观十方，在上清之上八微之内，思之还长九寸九分。夏三月，皇初紫元君则变形为大仙，通身金色，项负圆明，文彩灿烂，光明奕奕，照映十方，思之还反真形。秋三月，皇初紫元君则变形为三色童子，衣五彩衣，手把华幡，奕奕焕焕，照明上清，思之还反真形。冬三月，皇初紫元君则变形为苍碧紫三色之光，光明焕曜，照朗上清，此则反皇初之气，更受炼元融生之精，思之还反真形。

修行紫元君之道，常以太岁甲子之日，沐浴入室，南向一拜朝紫元君毕，还北向平坐，叩齿三通止，思紫元君随四时形影，在上清高虚宫重空府霄中乡神汉里中，回真下降，入兆泥丸鼻两孔下源之中，微祝曰：

紫皇元初，道合玄虚，三变九分，混化太初，结精未散，道灵金华，黄上观真，辅明玉书，天魂检气，神升紫虚，飞灵流輶，苍盖绿舆，运致我身，朝谒方诸。毕，咽气九过止。此上皇妙道，秘於朱台，得修其法，飞升上清。轻泄灵文，七祖充责，身负风刀。

无英中真上老君，元玄昱之气，讳景中华，字明炜，长七千万丈。夏三月，头建通天宝冠，衣七色斑文之衣，佩灵飞紫绶，带通真之剑，立九色师子之上，光明洞照，焕赫上清，思之还长七寸七分。秋三月，中真上老君则化形为老公，建黄巾，衣黄锦袍，手把金杖，立莲华之上，光明照映十方，思之还反真形。冬三月，中真上



老君则化形为三日之光，光明奕奕，照映十天，三气混合鸡子之黄，思之还反真形。春三月，中真上老君则化形为紫苍白三色之光，光明焕照，映彻於九天，此则反无英中真之气，更受炼元玄昱之精，思之还反真形。

修中真上老君之道，常以立春、本命、太岁之日，沐浴入室，西向三礼朝老君毕，还北向平坐，叩齿九通止，思上老君随四时形影，在上清飞玄宫紫童府金耀乡苍元里中，回真下降，入兆太仓五腹之口，微祝曰：

玄昱散玉灵，中真乘空郁，三素启圆涂，黄华耀朱月，森森万真庭，眇眇玄上阙，手把景秋日，足蹑飞虬律，散精回金乡，流黄焕烂发，变化应运生，长灵天地堀，研思玄微感，仰餐飞皇术，齐真九元上，一招万仙谒。毕，仰咽九气止。有知无英中真变化形名，与天地同根，行其道九年，乘空飞行，上升玉清。轻泄秘文，七祖获罪，身丧失仙。

上清元始变化宝真上经九灵太妙龟山玄篆卷上竟

#1#2#3『长』字原作『化』。

# 上清元始变化宝真上经九灵太妙龟山玄策卷中#1

北玄高上虚皇君，元玉皇之气，形长五千万丈。冬三月，头建紫晨飞华玉冠，衣七变云光文裘，佩七元丹章，带交灵紫绶，坐玄虚之上五色莲华，光明焕曜，洞照上清，思之还长五寸五分。春三月，虚皇君则变形一身五头，衣五色法衣，项悉负圆光，直五色师子紫云之上，执五色华幡，光明炜晔，洞曜北方，思之还反真形。夏三月，虚皇君则变形人头乌躯，九色凤文，口衔火铃，文彩灿烂，光明照天，在玄云之中紫虚之上，思之还反真形。秋三月，虚皇君则变形为黄黑二色之光，光色奕奕，洞照上清，此则反北玄之气、更受炼元玉皇之精，思之还反真形。

修行北玄之道，当以立冬之日，入室北向五拜，朝虚皇君毕，还北向叩齿三通，思虚皇君随四时形影，在玉清紫瑶宫丹琼府金相乡三皇里中，回真下映，入兆两肾玉户之口，便微祝曰：

北玄虚皇，虚皇纳真，炼化四道，五气交缠，导养光明，胎息紫烟，混合生光，灵感自然，日吉时开，曲降我身，太一保命，帝君回神，三元结符，以成我仙，餐精咽气，光华明鲜，毛羽飞裙，金冠华巾，五色云辔，飞升北辰。毕，仰咽五气止。行此道九年，致高上曲映真灵下降，与兆交颜，通幽彻微，坐睹自然，寿齐天地，克成上仙。闭则灵感，泄则祸婴。

南朱高上虚皇君，元高皇之气，形长八千万丈。夏三月，头建平元远游玉冠，衣九色斑文虎裙，佩流金火铃，带灵飞之绶，坐七色莲花，在紫虚之中，光明焕照，洞映上清，思之还长八寸八分。秋三月，南朱虚皇君则变形为乌头人形，衣九色凤文之衣，立绛云之上，紫虚之中，光明焕赫，洞照玉清，思之还反真形。冬三月，南朱虚皇君则变形为凤皇，九色斑斓，口衔火铃，光明焕曜，在玉清之中细微之内，思之还反真形。春三月，南朱虚皇君则变形为青赤二色之光，光色赫赫，照明南方，炜晔玉清之上紫虚之中，此反南朱之气，受炼高皇之精，思之还反真形。

修行南朱虚皇君之道，当以立夏之日，入室南向八拜，朝虚皇君毕，叩齿三通，思虚皇君随四时形影，在玉清纳灵宫化生府高上乡洞微里中，回真下映，入兆心孔之户，便微咒曰：

南朱布真，绛云徘徊，高上开张，四节虚飞，练变五道，莹饰光辉，流真散灵，神灌八围，赤子携景，万神总归，心孔纳精，五府明开，道合成仙，四体轻飞，五帝挟景，升入紫微。毕，仰咽八气止。

西华高上虚皇君，元上皇之气，形长六千万丈。秋三月，头建三光玉华珠冠，衣自然灵文之表，执九天制魔灵幡，带交金日精之剑，坐素云之上，手执金符，光明焕焕，照映上清，在素云之中八冥之里，思之还长六寸六分。冬三月，西华虚皇君则

变形虎头人身，衣七色虎衣，文彩斑斓，在上清之上白云之中，思之还反真形。春三月，西华虚皇君则变形为仙人，色如黄金，项负圆光，衣三十二条九色之衣，光明洞彻，照映十方，在玉清之上紫云之中，思之还反真形。夏三月，西华虚皇君则变形为赤白之光，光色沌沌如玉之精，照明上清，此则反西华之气，更受炼上皇之精，思之还反真形。

修行西华之道，当以立秋之日，入室西向六拜，朝虚皇君，还北向叩齿九通，思虚皇君随四时形影，在玉清音光宫八坦府四明乡极微里中，回真下映，入兆肺之后门，微咒曰：

西华舒灵，金门焕精，炼化四度，是曰开清，神真交合，庆流福生，气布魂安，神镇魄宁，太一保录，司命记名，胞根绝灭，胃管华荣，长享元吉，三光齐灵。毕，仰咽六气止。行此道九年，西华曲映，神真降形，洞虚达微，变化立成，坐在立亡，飞行玉清。

东明高上虚皇君，元明皇之气，形长九千万丈。春三月，头建通天飞精紫冠，衣九色斑文虎裙，佩金光宝神之章，带交灵紫绶，坐青云之中，立九色狮子之上，光明炜晔，洞映上清，思之还长九寸九分。夏三月，东明虚皇君则变形人头龙身，九色斑斓，口衔流铃，光色焕曜，照明上清，思之还反真形。秋三月，东明虚皇君则变形为老公，头戴青龙，足蹶七星，九色斑文之衣，光明焕焕，洞照上清，思之还反真形。冬三月东明虚皇君则变形为黑青二色之光，光色郁郁，洞照上清，此则反东明之气，更受练明皇之精，思之还反真形。

修行东明之道，当以立春之日，入室东向九拜，朝虚皇君毕，还北向叩齿九通，思虚皇随四时形影，在玉清紫微宫朱雀府南阳乡洞生里中，回真下映，入兆肝内九重之户，便祝曰：

东明敷散，九精发晖，高上玄映，青真洞回，四气交灌，练仙人飞，流精曲降，朗明重晖，内府镇神，外关固衰，变化八景，洞盼幽微，长享天灵，福祚巍巍。毕，仰咽九气止。行此九年，则上真曲映，授兆青精玉芝云琼，坐观九天，克成上仙。

中元中舍虚皇君，元泰皇之气，形长三千万丈。四季之月，头建天元七宝冠，衣五色流黄之，佩六山火玉，带神精交蛇之绶，坐黄云之上五色狮子，光明灿烂，照明五方，思之还长三寸三分。冬水王之时，中舍虚皇君则变形一身五头，头戴五星，身衣五色羽衣，手执五色华幡，在五色云气之上，洞照上清，思之还反真形。春木王之时，中舍虚皇君则变形为童子，衣五色之衣，手御黄龙，在黄云之中，立七星之上，光明清曜，洞照五方，思之还反真形。夏火王之时，中舍虚皇君则变形为五色之光，更相混沓，照明五方，此则反中舍中元之气，更受炼元泰皇之精，思之还反真形。

修行中舍虚皇君之道，当以太岁本命之日，入室随王十二拜，朝之虚皇君毕，还北向叩齿十二通，思虚皇君随四时形影，在玉清金灵宫凤啸府幽神乡舍清里中，回真下映，入兆脾府幽关之口，便咒曰：

中元总灵，洞真高清，之气流焕，五道发明，四度交庆，练气变形，混合太空，回监我情，保录玄图，记简勒生，南昌刻算，九天书名，八景神宫，辅卫三清，千乘万骑，立降我庭，招真致仙，飞升太灵。毕，仰咽十二气止。行之十二年，则中元虚皇君降真兆房，授兆升中玄图司命玄录，通真彻微，克获上仙。秘则灵降，泄则考婴。

五灵七明混生高上君，元紫皇之气，形长八千万丈。夏三月，头建三华宝天冠，衣凤文紫锦之袍，佩流金火铃，带九天丹皇之策，坐绛云之上，手执金符，光明流焕，洞照上清，思之还长八寸八分。秋三月，高上君则变形为九头凤凰，口衔九星，九色斑斓，在绛云之中，光明洞曜，映照上清，思之还反真形。冬三月，高上君则变形一人九头，身着凤文羽衣，手执玉节，立七色莲花之上，玄云之中，光明流焕，洞照上清，思之还反真形。春三月，高上君则变形为青赤二色之光，光明郁郁，洞曜南方，此则反五灵之气，更受炼元紫皇之精，思之还反真形。

修行高上君之道，常以夏至之日，入室南向八拜，朝高上君毕，还北向叩齿三通，思高上君随四时形影，在玉清凤生宫洞光府七变乡九会里中，回真下映，入兆心孔上际，便咒曰：

五灵敷真，高上散晖，变景混合，练仙四飞，流真散漫，泽布九围，元节合庆，福祚巍巍，我享正真，身生光辉，寿齐日月，万劫不衰，体生羽服，升入太微。毕，仰咽八气止。

三元无上玄老虚皇元辰君，元精皇之气，形长六千万丈。秋三月，头建三气玄晨飞冠，衣九色百变寿命章衣，佩玉皇招仙之策，带金玄紫绶，立七色狮子之上，素云之中，光明洞曜，映照上清，思之还长六寸六分。冬三月，元辰君则变形七头童子，一身衣虎文之袍，足践白云，光明流曜，洞映上清，思之还反真形。春三月，元辰君则变形虎头龙身，着青黄斑斓，文彩光明，在紫云之上，照明十方，思之还反真形。夏三月，元辰君则变形为赤白二色之光，光焕赫赫，照明上清，此则反三元之气，更受炼元精皇之精，思之还反真形。

修行虚皇元辰君之道，当以秋分之日，入室西向六拜，朝元辰君毕，还北向叩齿十二通，思元辰君随四时形影，在玉清明范宫耀华府天德乡值正里中，回真下映，入兆肺府上关之下，便咒曰：

三元散华，元辰应符，炼化九道，变形四周，混合成真，气象反初，回灵曲映，精

灌我躯，太一保命，勒仙灵符，五老降席，上真遨游，逍遥玄和，形同太虚，餐霞咽气，神明结俦。毕，仰咽十二气止。此虚皇上道，秘於三元玄台，万劫一出，得者神仙，秘则真降，泄则祸婴。

玄寂九元上虚皇君，元飞皇之气，形长五千万丈。冬三月，头建飞天紫冠，衣五色斑文虎裘，佩流金之铃，带交灵素绶，立玄龟之上，在玄云之中，光明流焕，朗照上清，思之还长五寸五分。春三月，九元上虚皇君则变形为老人，头建黄巾，身衣玄羽之衣，手执金戟，足立紫云之上，思之还反真形。夏三月，九元上虚皇君则变形为九日，更相累连，光明流曜，映照上清，思之还反真形。秋三月，九元上虚皇君则变形为白黑二色之光，光明奕奕，照明北方，此则反玄寂之气，更受练元飞皇之精，思之还反真形。

修行上虚皇君之道，常以冬至之日，入室北向五拜，朝虚皇君毕，叩齿三通，思虚皇君随四时形影，在玉清七瑶宫北元府恬水乡上善里中，回真下映，入兆两肾幽阙之中，便咒曰：

玄寂通微，散精虚皇，三元混合，飞玄流光，神童溉灌，玉女散芳，元父交庆，福祚我当，八景辅翼，五老降房，得睹上灵，接颜仙王，永享罔极，仰飞太空，轻羽飞行，升入上宫。毕，仰咽十气止。此玄寂上道，秘於太上六合紫房，依科万劫一出，玄授上仙之人，得者神仙，飞行上清也。

太明灵辉中真无上君，元玄虚之气，形长九千万丈。春三月，头建七宝飞华之冠，衣五黄五色章衣，佩日精三华之印，带金巾流精之剑，立青龙之上碧云之中，光明炜晔，洞映玉清，思之还长九寸九分。夏三月，无上君则变形为人头龙身，口衔日精，九色文彩，光照东方，在碧霞之中，思之还反真形。秋三月，无上君则变形为一龙九头，九色斑澜，光明洞曜，映照上清，在紫虚之内，思之还反真形。冬三月，无上君则变形为青黑二色之光，光明郁郁，洞照东方，此则反太明之气，更受炼元玄虚之精，思之还反真形。

修行无上君之道，当以立春之日，入室东向九拜，朝无上君毕，还北向叩齿九通，思无上君随四时形影，在玉清郁森宫八冥府金罗乡云罗里中，回真下映，入兆肝府中关之户，便咒曰：

大明重曜，敷灵散金，玄晖八发，流精洞阴，无上洒津，泽溢九矜，内充外盈，福布七祖，沉朽享润，上升太真，我身受仙，飞入月林，体生毛羽，变化随心。毕，仰咽九气止。行之九年，七祖皆仙，神真下降，得睹灵颜，轻泄漏慢，身没河源。

三元四极玄上虚皇元灵君，元凤虚之气，形长八千万丈。夏三月，头建三气宝晨玉冠，衣五色斑文虎裘，佩豁落七元，带交灵之绶，立朱凤之上，在绛云之中，光明

灿烂，洞耀玉清，思之还长八寸八分。秋三月，元灵君则变形为三头朱乌，绛色羽服，文彩斑斓，光明焕曜，映照上清，立紫云之上，思之还反真形。冬三月，元灵君则变形为三朱乌，各衔一火铃，立日精之上，在绛云之中，光明灿灿，烂明南方，思之还反真形。春三月，元灵君则变形为青赤二色之光，光明赫赫，照明南方，此则反三元四极之气，更练元凤虚之精，思之还反真形。

修行元灵君之道，当以夏至之日，入室南向八拜，朝元灵君毕，还北向叩齿十二通，思元灵君随四时形影，在玉清云琳宫霄上府清汉乡素灵里中，回真下映，入兆心上梁紫户，便咒曰：

元灵通真，玄上演晖，三元混合，四极灵飞，回精曲灌，万道洞开，三光莹发，玉帝徘徊，度我命籍，保真紫微，长生天地，亿劫不衰，日吉时庆，享福巍巍。毕，仰咽八气止。

三元晨中黄景虚皇元台君，元紫虚之气，形长六千万丈。秋三月，头建七元宝晨婴冠，衣飞锦文裘，佩六山火玉，带通真之章，立素云之上，坐七色狮子，光明焕耀，洞照上清，思之还长六寸六分。冬三月，元台君则变形人头乌口，顶生宝光，身衣素羽飞裙，立莲花之上，在紫云之中，光明流焕，洞照上清，思之还反真形。春三月，元台君则变形为真人，青黄色如金刚，项负宝圆，衣九色法衣，立素云之上，光明炜晔，映照十方。思之还反真形。夏三月，元台君则变形为赤白二色之光，光明奕奕，照明上清，此则反三元晨中之气，更受炼元紫虚之精，思之还反真形。

修行元台君之道，当以立秋、甲子之日，入室西向五拜，朝元台君毕，还北向叩齿三通，思元台君随四时形影，在玉清洞霄宫演真府九气乡华耀里中，回真下映，入兆肺金门上阙，便咒曰：

黄景中元，三气交真，虚皇四度，炼化玉天，飞芝流溢，陶灌我身，保精固气，总录万神，右契削死，左宫授仙，上禀太虚，五老同轩，变化无方，形造紫晨。毕，仰咽七气止。

三元紫映晖神虚生注真元胎君，元融虚之气，形长五千万丈。冬三月，头建三宝晨冠，衣龙文虎裘，佩上皇命仙之策，带龙渊之剑，坐玄龟之上三素之云中，流光朗明，洞照上清，思之还长五寸五分。春三月，元胎君则变形为童子，头戴七星，身衣五色绁衣，立五色灵龟之上，在玄虚之中，光明清曜，焕照十方。思之还反真形。夏三月，元胎君则变形为一人五头，戴五星，衣五色锦衣，足践五色之云，手把金符，在玄虚之上，光照十方，思之还反真形。秋三月，元胎君则变形为白黑二色之光，光明奕奕，照明北方，此则反三元紫映之气，更受炼元融虚之精，思之还反其形。

修行元胎君之道，当以立冬、本命之日，入室北向五拜，朝元胎君毕，叩齿十二通，思元胎君随四时形影，在玉清反香宫风舞府清乐乡长金里中，回真下映，入兆两肾中间伏门之上，便咒曰：

紫映同天，虚生三元，上有玄常，斗中之君，身衣飞青，锦绣华裙，运练变化，四度交分，曲映降形，赐我丹文，度符南阳，保仙长存，策御金辔，驾景乘云，与真混合，升到金门。毕，仰咽十气止。〔此〕三元上道，皆授上真，不行下世，自无玄名，不得睹盼灵文，见者克成上仙。

青精上真内景君，元始洞之气，形长九千万丈。秋三月，头建三华宝明之冠，衣七色斑文之裘，带交灵之绶，坐黄白青三色之云，光明炜晔，洞照上清，在紫虚之上细微之内，思之还长九寸。冬三月，上真内景君则变形一身七头，衣七色法衣，项负圆光，立九色师子之上，华光交换，照明上清，思之还反真形。春三月，上真内景君则变形，头带月，口衔日，身衣虎文之裘，光色焕明，或立紫云之上，思之还反真形。夏三月，上真内景君则变形为青白黄三色之光，光明奕奕，照明上清，此则反青精上真之气，更受炼元始洞之精，思之还反真形。

修行上真内景君之道，当以秋分之日，及庚申日，入室西向九拜，朝内景君毕，还北向叩齿三通，思内景君随四时形影，在上清琼宫太丹府朱雀乡绝崖里中，回真下映，入兆左耳伏晨之户，便咒曰：

始洞浩精，青真散灵，九户开涂，三元明扉，朱灵玄映，玉华四飞，乘晨御气，苍童紫微，金光内彻，面生丹辉，与月齐景，与日周回，上朝上真，永享不衰，庆延七祖，死魂同飞。毕，仰咽七气止。行之九年，致高灵下映，与真通颜，身生水火，飞升帝晨。

太阳九气玉贤元君，元玉柱之气，形长七千万丈。冬三月，头建通天宝曜之冠，衣九色无缝自然之衣，披虎文之裘，带通真之绶，坐紫云之上，光明炜晔紫云之中，八冥之内，思之还长七寸七分。春三月，玉贤元君则变形，头戴黄龙，手把七星，身衣黄羽飞裙，立三色云上，思之还反真形。夏三月，玉贤元君则变形为三头老子，身如黄金，衣黄锦飞裙青羽之帔，立莲华之上紫云之中，思之还反真形。秋三月，玉贤元君则变形为白玉之光，光明洞鲜，明照上清，此则反太阳九气之气，更受炼元玉柱之精，思之还反真形。

修行玉贤元君之道，当以立冬之日，及甲子日，入室北向三拜，朝玉贤元君毕，叩齿十二通，思玉贤元君随四时形影，在玉清琼宫通灵府三真乡上寿里中，回真下映，入兆右耳伏晨之户，便微祝曰：

太阳焕精，玉柱通明，六气流布，焕落朱庭，变化元洞，炼易我形，五府开真，六

胃华生，飞裳紫帔，上锦下青，三色流云，绿舆苍駟，徘徊玄路，运我升清，太一度符，元君鉴生，九真同命，我道克成，变化太无，长享帝灵。毕，仰咽三气止。行之九年，致上真迁降，与神交言，通灵达真，与天长存，秘则灵感，泄则祸婴。

太初九素金华景元君，元皇灵之气，形长九千万丈。春三月，头建紫元晨婴玉冠，衣七色云明之袍，带素灵之绶，佩灭魔灵幡，坐三素之云，光明照在上清之上细微之内，思之还长九寸九分。夏三月，金华景元君则变形为三头一身，身如凤皇，文彩灿烂，照明上清，思之还反真形。秋三月，金华景元君则变形为人头龙身，五色灿烂，光照紫虚，在三色之上，思之还反真形。冬三月，金华景元君则变形紫赤黄三色之光，光明奕奕，照映上清，此则反太初九素之气，更受炼元皇灵之精，思之还反真形。

修行金华景元君之道，当以冬至之日，及太岁之日，入室东北向九拜，朝景元君毕，还北向叩齿三通，思景元君随四时形影，在上清明真宫灵晖府天权乡游乐里，回真下映，入兆头面之境，微咒曰：

太初混黄，三气清分，金华洞房，号曰景元，明道九回，四变合云，上结玉符，下保丹门，摄魂固魄，保真存存，炼形易骨，髓脑化仙，龙飞凤舞，上升帝轩。毕，仰咽九气止。行此道九年，致神真降见，身能变化，飞行太灵。

九皇上真司命君，元玉灵之气，形长五千万丈。夏三月，头建丹华紫曜飞天冠，衣五色飞黄云罗之袍，佩流金火铃，带神虎之符，立五色云气之上，光明照映，灿烂太无，思之还长五寸五分。秋三月，司命君则变形为凤皇，九色斑斓，光明焕焕，照明上清，思之还反真形。冬三月，司命君则变形为老公，头建紫巾，衣七色斑文虎衣，手执金杖，足蹑三气之云，光明焕赫，洞照上清，思之还反真形。春三月，司命君则变形为青碧黑三色之光，光明奕奕，照映上清，此则反九皇之气，更受炼玉灵之精，思之还反真形。

修行上真可命君之道，当以立春之日，及本命日，入室东向九拜，朝司命君，叩齿九通，思司命君随四时形影，在上清紫耀宫七宝府北生乡华宫里，回真下映，入兆胸腹之境，便微咒曰：

九皇上真，理化总生，司算南阳，监延朱庭，太一度符，五老书名，九回八微，仙魂乃明，三变五炼，朽骨反婴，华颜朱童，与帝常灵，保符日月，后天而倾，变化无方，升入帝庭。毕，仰咽三气止。行之九年，司命勒录，真人降房，名书丹台，永保长存。

天皇上真玉华三元君，元洞灵之气，形长七千万丈。秋三月，头建晨纓飞华紫冠，衣五色玄黄紫，佩太上丹文紫章，带交灵紫绶，立九色师子之上，光明灿烂，照



明上清，思之还长七寸七分。冬三月，玉华三元君则变形为女子，头作飞云之髻，衣紫黄飞罗之衣，口衔月，足蹑黄紫青三色之云，光明照映十方，思之还反真形。春三月，玉华三元君则分形为三女子，头作三角之髻，着七称之冠，负月抱日，在紫云之中，立莲花上，思之还反真形。夏三月，玉华三元君变形为紫白青三色之光，光明焕焕，洞照玉清，此则反天皇之气，更受炼洞灵之精，思之还反真形。

修行上真玉华三元君之道，当以春分之日、丁卯日，入室东南向三拜，朝三元君毕，还北向叩齿三通，思三元君随四时形影，在玉清通妙宫定微府云路乡清源里，回真下映，入兆下关少腹至脚，便祝曰：

玉华散灵，三元炼精，回合玉真，变景云庭，流云徘徊，焕落火铃，金符龙幡，十绝旄旌，上景丹台，游盼八冥，高上曲映，监我道成，三晨合愿，克享长生，变神通微，日月齐并。毕，咽三气止。行之九年，三元曲映，降真兆房，目睹神颜，致道神仙。

太一上元禁君，元飞灵之气，形长九千万丈。冬三月，头建三宝晨纓飞华紫冠，衣九色玄黄飞云之，佩六山火玉，带神精交灵紫绶，坐七色之云，光明焕焕，照朋上清，在九天之上，思之还长九寸九分。春三月，上元禁君则变形为长人，通身如黄金，项负相轮，衣四十二条九色法衣，坐三气之中，光明焕焕，照映上清，思之还反真形。夏三月，上元禁君则变形为三月之状，光色相沓，混混沌沌，乍合乍离，在紫云之中，思之还反真形。秋三月，上元禁君则变形为苍绿紫三色之光，更相缠绕在玉清之中，此则反太一上元之气，更受炼飞灵之精，思之还反真形。

修行上元禁君之道，当以立夏之日，及庚申日，入室南向三拜，朝上元禁君，还北向叩齿九通，思上元禁君随四时形影，在上清天皇宫玉虚府开元乡紫合里，回真下映，入兆左手之户，便咒曰：

太一摄命，桃康理魂，无英公子，及与白元，三真齐晖，保固死关，炼气通神，合形帝君，四变八玄，随化成仙，千乘万骑，翼我升云，飞行上清，形造紫晨。毕，仰咽十二过止。行此九年，得见上元禁君，名书南极，保仙长存。

元虚黄房真晨君，元清灵之气，形长六千万丈。春三月，头戴七色朱精华冠，衣云文之袍，佩金虎凤文，带神虎玉章，坐紫云之中五色莲花，光明炜晔，照明上清，在八冥之外细微之内，思之还长六寸六分。夏三月，黄房真晨君则变形一身三头，头巾紫巾，形衣紫黄二色之衣，手持金戟，在黄房云宫五色师子之上，思之还反真形。秋三月，黄房真晨君则变形为人身龙头，九色斑斓，光明焕焕，洞照上清黄云之内，思之还反真形。冬三月，黄房真晨君则变形为黄白赤三色之光，光明焕焕，彻照九天，此则反元虚黄房之气，更受炼元清灵之精，思之还反真形。

修行真晨君之道，当以夏至、甲子之日，入室西南向九拜，朝真晨君毕，还北向叩齿九通，思真晨君随四时形影，在玉清金华宫紫生府长命乡永康里，回真下映，入兆右手之户，便咒曰：

黄房中真，元虚洞明，日中改号，号曰方盈，朱台焕赫，濯晖金庭，含胎炼息，流紫观青，二气混合，体化仙生，飞津内唱，色童颜婴，自然升飞，上入三清。毕，咽十二气止。行之九年，得见神真，通灵飞空。

太极主四真人元君，元四芒之气，形长七千万丈。夏三月，头带远游宝冠，衣青羽飞华锦袍，五色羽裙，佩神婴育延之剑，带流金火铃，执神虎玉符，坐四色云中，光明流焕，洞照上清，在细微之内，思之还长七寸七分。秋三月，四真人元君则变形为四头凤皇人形，衣九色斑文虎衣，足履五色师子，或立莲花之上，紫炁之中，思之还反真形。冬三月，四真人元君则变形为四童子，青赤白黑，各衣一色锦裙，各执一色之节，一色之幡，在紫云之上，思之还反真形。春三月，四真人元君则变形为青赤白黑四色之光，光色混沌如云之烟，焕焕照明，此则反太极之气，更受炼元四芒之精，思之还反真形。

修行四真之道，当以立秋之日，及甲子日、入室西向四拜，朝四真毕，还北向叩齿九通，思四真元君随四时形影，在玉清四明宫八朗府金琼乡极瑛里，回真下映，入兆左目中，便咒曰：

太极四灵，元君上京，金精浩灵，炼神入光，日华散晖，朱月灌浆，灵芝八散，通我明梁，太一有命，四司来迎，身生奇毛，飞羽罗裳，腾空步虚，骨肉俱翔。〔毕〕，仰咽八气止。行之八年，四真曲映。目睹神颜，名书太极，得为真人。

四斗中真七晨散华君，元四沌之气，形长四千万丈。秋三月，头带七晨飞精华冠，衣黄锦飞裘，青羽之裙，带灵飞紫绶，足蹑七元，手把景星，光明焕焕，洞照上清，在细微之内，思之还长四寸四分。冬三月，七晨散华君则变形一身四头，头角一日，身衣四色之衣，手把斗刚，足践紫云，光色焕焕，照明上清，思之还反真形。春三月，七晨散华君则变形为四童子，形长四尺，衣五色斑文之衣，手执华幡，在黄云之中，思之还反真形。夏三月，七晨散华君则变形为青赤白黑四色之光，光色混沌，洞照上清，此则反四斗中真之气，更受练元四沌之精，思之还反真形。

修行散华君之道，当以秋分之日，入室北向八拜，朝真毕，叩齿三通，思散华君随四时形影，在玉清华晨宫魁元府七刚乡金盖里，回真下映，入兆右目之中，咒曰：

四斗总刚，中真散华，三光混合，吐噏玄霞，甲张理命，七神制魔，列图五符，年同上初，金轮宝盖，玄精焕灵，腾身太空，上造神庐。毕，咽炁七过止。行之七年，则名书玄图，七元感彻，真人下降，目睹神颜，授兆神经，致云舆羽盖，白日升

晨。

晨中黄景元君，〔元〕黄晖之气，形长七千万丈。冬三月，头带金华宝冠，衣五色班文之裘，飞羽锦裳，带七元宝章、流金火铃，手执九色玉节，坐则黄云，光明灿灿，流曜九天，洞照上清右八冥之内，细微之中，思之还长七寸七分。春三月，黄景元君则变形一身三头，头戴凤皇，通身黄色，手把金戟，足立五色师子之上，光明奕奕，洞照上清，思之还反真形。夏三月，黄景元君则变形为三人，头着日光，口衔七星，身衣五色之，常立黄云之上，思之还反真形。秋三月，黄景元君则变形为黄紫苍三色之光，光炁相绕，混黄太空，此则反晨中之炁，更受炼元黄晖之精，思之还反真形。

修行黄景元君之道，当以立夏、冬至之日，入室东向三拜，朝黄景元君毕，长跪叩齿三通，思景元君随四时形影，在玉清七灵宫机玄府九晨乡天纽里，回真下映，入兆肺部华盖之门，便咒曰：

晨中童子，黄云三缠，霄台焕秀，协映玉真，号曰玄上，列位皇宾，总摄百神，携入紫烟。毕，咽炁三过止。此晨中回生秘法，知者不死，修之飞仙，轻泄灵音，身负河源。

金阙后圣太平李真天帝上景君，元通晨之炁，形长九千万丈。春三月，头建七精宝华冠，衣玄黄五色之裘，青锦飞裙，手执虎符，坐七色之云，光映炜晔，照明上清，在细微之内八冥之外，思之还长九寸九分。夏三月，天帝上景君则变形为老公，头带飞龙，身衣黄文之裘，黄羽之裙，手执金板，立紫云之上，光明奕奕，洞照上清，思之还反真形。秋三月，天帝上景君则化形为小童子，衣五色之衣，或乘师子，或坐青云，思之还反真形。冬三月，天帝上景君则变形为苍黑青三色之光，光明混沌更相缠绕，此则反金阙之炁，更受练元通晨之精，思之还反真形。

修行天帝上景君之道，当以正月一日，及甲子、立春之日，入室东南向九拜，朝上景君毕，还北向长跪，叩齿十二通，思上景君随四时形像，在玉清金阙宫玉真府东华乡九炁里，回真下映，入兆五藏结喉之本，便咒曰：

金阙协神生，九炁映丹霞，明光翼金灵，五云混三华，玄漱飞晨津，含练自然牙，鸣鼓召百神，嘯咤来群魔，千乘万骑官，卫我登玉阿。毕，九咽炁止。此金阙玉房秘要，得者为后圣种民，修之九年，飞升金阙。轻泄灵文，七祖充责，己身亡命，长负刀山。

太虚后圣无景彭室真君，元四演之炁，形长四千万丈。夏三月，头建通天紫冠，衣白锦文裘，素羽飞裙，腰带飞灵之绶，左佩流铃，手把七元之光，常立紫虚之上莲花之中，光明炜晔，洞照上清，思之还长四寸四分。秋三月，彭室真君则变形为仙

人，色如金刚，项光圆明，映照四天，衣三十二色无量法衣，光明奕奕，在上清之上细微之内，思之还反真形。冬三月，彭室真君则变形为人身凤头，五色斑斓，立紫虚之中，光明焕焕，照明上清，思之还反真形。春三月，彭室真君则化形为苍赤白玄四色之光，更相累沓，如日之晕云，此则反太虚之炁，更受练元四演之精，思之还反真形。

修行彭室真君之道，当以春分之日，及本命之日，入室南向四拜，朝神毕，北向叩齿三通，思彭室真君随四时形像，在上清无量宫玄阙府四正乡合元里中，回真下映，入兆五藏大胃上口，便咒曰：

太虚种福庭，福福相因生，受生九玄户，真炁日中荣，练骨结仙筋，治兆升三清，六合会万神，虎符摄朱兵，累祖保元籍，世世礼仙经。毕，仰咽炁四过止。此后圣练仙上法，秘之太虚无景宫，万劫一出，得者为后圣种民，修之九年，奉迎圣君於上清宫，轻泄身役鬼官。

太玄都九炁丈人主仙君，元变浩之炁，形长七千万丈。秋三月，头建朱精九德宝冠，衣青羽六合之裘，百变文光之裙，腰带招仙制魔之剑，坐九色师子三炁之云，光明奕奕，洞映十天，思之还长七寸七分。冬三月，主仙君则变形为九人，身長九寸，头戴月光，各衣青黄五色仙衣，常在紫云之上，时乘凤皇游戏玄都，思之还反真形。春三月，主仙君则变形一身九头，头戴凤皇，五色斑斓，在上清之上紫虚之中，思之还反真形。夏三月，主仙君则变形为苍白紫黄玄赤青红绿九色之光，更相缠沓在上清之上，此则反太玄之气，更受炼元变浩之精，思之还反真形。

修行主仙君之道，当以立夏之日，及本命、太岁之日，入室西南向九拜，朝主仙君毕，还北向叩齿九通，思主仙君随四时形像，在上清太玄宫王堂府玄都乡总真里中，回真下映，入兆九肠之口伏愿之下，便咒曰：

太玄生神，保镇命门，伏尸灭落，宁神安魂，回光帝室，受仙玉女，太一携提，同会帝宾，长济金房，年合月烟，永享无期，寿与天连。毕，仰咽九过止。此太玄主仙上道，秘之金房玉匮，万劫一出，得者不死，行之神仙。轻露身死，负考河源。

上清八景老君，元云源之炁，形长八千万丈。冬三月，头建飞晨华冠，衣自成云文之，飞仙羽裙，腰带虎书，手把金铃，常立七色莲华之上，紫云之中，光明焕焕，照明十方，思之还长四寸四分。春三月，八景老君则变形为八光童子，八人齐长八寸，衣黄锦之帔，飞罗之裳，生八色之云，光明焕焕，照明上清，思之还反真形。夏三月，八景老君则变形为老公，头建黄巾，身着五虎衣，手把金节，佩摄杀之剑，在黄气之中，常口引日光，思之还反真形。秋三月，八景老君则变化为黄白紫红绿玄赤苍八色之光，更相累沓，在上清之上，则变上清之炁，更受炼元云源之精，思之还反真形。

修行八景君之道，当以秋分之日，及本命、甲子之日，入室西向八拜，朝八景君毕，还北向叩齿九通，思八景君随四时形像，在上清清虚宫洞清府上元乡紫房里中，回真下映，入兆少腹二孔之本，便咒曰：

上清玄玄气，八景生一纪，黄元协神宗，精魂对帝子，五符保命籍，度年同劫始，飞云八景舆，升兆云门里，身飞入太虚，死魂翻然起。毕，仰八咽止。此上清玄秘之道，太上藏之金格，有得者不死，修之飞仙。轻泄灵文，七祖充责，己身亡命，负罪幽山。

东华方诸宫高晨师玉保王青童君，元日精之炁，形长七千万丈。春三月，头建青华宝晨冠，衣青羽飞裘，青锦飞裙，腰带青精通明之剑，手执九色魔幡，带神虎之符，坐青云之上，紫烟之中，思之还长七寸七分。夏三月，青童君则变形为人身鸟头，通身青羽之衣，立五色师子之上，手持召仙之策，在紫云之中，思之还反真形。秋三月，青童君则变形为青精童子，头戴飞龙，口衔火铃，坐玄虚之上，常有青云绕络身形，思之还反真形。冬三月，青童君则变形为青赤绿三色之光，更相绕缠在上清之上，青云之中，此则反东华之炁，更受炼元日精之精，思之还反真形。

修行青童君之道，当以立冬之日，及本命、庚申、丁卯之日，入室东向九拜，朝青童君毕，还北向叩齿十二通，思青童君随四时形像，在上清方诸宫青元府通霞乡东华里中，回真下映，入兆百关绝节之下，咒曰：

青华混迴，五道焕分，金晨建节，受持七门，太一保命，灵标理魂，陵阳度籍，元公召神，奉兆登霄，寢息玉轩，福臻亿亿，庆流千千，书名东华，世享上仙。毕，仰咽九炁止。此东华玉格上真秘道，大劫周天地改易其文，当见五岳之室，得者不死，修之得过洪灾，白日飞腾。轻泄七祖充役，己身亡命，负考河源。

扶桑大帝九老仙皇君，元源谷之炁，形长九千万丈。夏三月，头建宝琅晨冠，衣乱色百变之袍，腰带飞灵素绶，佩豁落七元之剑，手执青灵命魔之幡，立九色之云，光明灿灿，照映上清，思之还长九寸九分。秋三月，九老仙皇君则变形为仙，色如金刚，项有圆光，衣七十二条法衣，立三炁莲花之上，光明焕赫，洞映上清，思之还反真形。冬三月，九老仙皇君则变形为人头龙身，五色斑斓，在紫虚之上碧云之中，思之还反真形。春三月，九老仙皇君则变形为碧苍玄三色之光，更相累沓在上清之上，此则反扶桑青浩之炁，更受炼元源谷之精，思之还反真形。

修行九炁仙皇君之道，当以春分之日，及本命、四月八日，入室东北向三拜，朝仙皇君毕，还北向叩齿二十四通，思仙皇君随四时形像，在上清清元宫暘谷府溟滓乡扶桑里中，回真下映，入兆本命之根胞胎大结中，便咒曰：

太帝变景，扶晨理元，四气练易，百变千分，入兆胞胎，斩断死根，太一守户，玉

真护门，拔度三界，体宝金仙，神律发溢，合羽扬轮，书札玉位，世保福原，祸死绝沉，更生仙魂，七玄同飞，升化帝门。毕，仰咽二气止。此太帝玄秘之文，藏於玉房，万劫一行，得者长存，修之致仙，轻泄祸伐，没命河源。

小有玉真万华先生主图玉君，元纳真之炁，形长三千万丈。秋三月，头建远游宝冠，衣飞仙羽衣，带宝真洞章，手执华幡，在青云之中五色师子之上，光明奕奕，照明上清，思之还长三寸三分。冬三月，主图玉君则变形为人身鸟口，口衔玉符，身衣羽衣，手执三炁之华，光明落落，照明上清，思之还反真形。春三月，主图玉君则变形为人身，两手为凤翅，通身衣黄羽之衣，足立七星，在紫虚之上，思之还反真形。夏三月，主图玉君则变形为青黄二色之光，如云之沓，在上清之上，此则反小有玉真之炁，更受炼元纳真之精，思之还反真形。

修行主图玉真君之道，当以立秋及本命之日，入室西北向一拜，朝玉真君毕，还北向叩齿十二通，思玉真君随四时形像，在上清金云宫通炁府招摇乡玉真里中，回真下映，入兆鼻下人中，便咒曰：

小有结真，合精练神，大回变化，六混七分，帝一理命，无英保魂，七华生朽，沉景起烟，奉籍帝尊，庆拔七玄，形合日月，三光相连，乘羽驾游，升入高晨。毕，仰咽三气止。此小有天中金格玉文，得者寿同天地，修行上为真人。妄传轻露，罪及七玄，身死负考，万劫不原。

玄州二十九真伯上帝司禁君，元仙演之气，形长五千万丈。冬三月，头建三玄通天宝冠，衣九色虎衣，班文之裘，飞青羽，腰带虎书，佩流金火铃，在紫虚之上太清之中，光明焕焕，思之还长五寸五分。春三月，上帝司禁君则变形为人身兽头，状麒麟，或通身麟形，青黄文彩斑斓，立三色云炁之中，思之还反真形。夏三月，上帝司禁君则变形为童子，头戴飞龙，身衣紫黄羽，乘风皇在清虚之中，或游宴五岳，手执青无之录，思之还反真形。秋三月，上帝司禁君则变形为百变之光，混沌乱色更相缠绕，在上清之中，此则反玄州二十九真之炁，更受炼元仙演之精，思之还反真形。

修行上帝司禁君之道，当以立夏之日，及秋分、甲子日，入室东向九拜，朝司禁君毕，还北向叩齿十二通，思司禁君随四时形像，在上清司空宫仙都府玄阴乡总正里中，回真下映，入兆阴jing之端，便咒曰：

玄真辅仙，上帝监籍，神王练炁，五云敷席，符命四司，检简精魄，太一授录，保兆仙格，还童观容，停年止白，身飞玄都，与天同宅，五帝携提，长享玄伯。毕，仰咽九气止。此玄洲练仙秘道，藏之大有之房，万年一出，得者仙伯书名，长生无极，修之飞行，上升仙庭。轻泄者身死，谢罪鬼官。

太无晨中君，元玉户之炁，形长七千万丈。冬三月，头建金华七宝冠，衣朱文羽衣，九色之绶，腰带金章，手执虎符，〔立〕紫云之上太清之中，光明灿灿，照映十方，思之还长七寸七分。春三月，太无晨中君则变形为童子，坐生莲花之中，手执五色华幡，在上清紫云之上，思之还反真形。夏三月，太无晨中君则变形为三人，悉建远游冠，衣飞青羽，腰带素绶，手执杀魔之律，或乘飞凤，在上清之上，思之还反真形。秋三月，太无晨中君则变形为白青黄三色之光，更相缠绕在上清之上，此则反太元之炁，更相受炼元玉户之精，思之还反真形。

修行晨中君之道，当以立秋、秋分、庚申之日，入室西北向三拜，朝晨中君毕，还北向叩齿十二通，思晨中君随四时形像，在上清玄洞宫六生府开仙乡玉户里中，回真下映，入兆丹田宫本命帝室，便咒曰：

仙灵散晖，浩晨四布，混合九玄，三五流注，结真成仙，仙练升度，元父解形，玄母养护，五神辅翼，飞升霄路，三元保录，帝真饴哺，呼吸自然，五华坚固，长享无穷，天地同祚。毕，仰咽三炁止。此太素上道，得者延年亿万，修之成真人，九天书名。不得轻宣，露泄灵音，身死失仙。

龟山九灵真仙母，元混西金之炁，形长七千万丈。春三月，头建宝琅扶晨羽冠，服紫炁浮云，身披九色龙锦羽裙，腰带流金火铃虎符龙书，坐太空之中丹绿青三色云之上，光照灿灿，洞映紫清，思之还长七寸七分。夏三月，仙母则变形为九色之凤，一体九头，文彩灿烂，光明奕奕，洞照太虚，思之还反真形。秋三月，仙母则变形为人形凤头，衣九色飞云锦，腰带交灵紫绶，立九色之云，光明灿灿，洞明上清，思之还反真形。冬三月，仙母则变形为紫青黄三色之光，更相累沓，沌沌混混，光明洞发，此则反九灵之炁，更受炼元混西金之精，思之还反真形。

修行仙母之道，当以九月九日，及秋分之日，入室西向九拜，朝仙母毕，还北向叩齿九通，思仙母随四时形像，在上清宝素宫九玄府玉皇乡西龙里中，回真下降，入兆明堂中，便咒曰：

灵化通玄，飞景九元，凝精结神，上为金仙，混合成一，散形亿分，上造太晨，策空蹶云，保命黄篆，长灵劫年，金简素籍，名刊帝轩，永享太华，与天同存。毕，仰咽九炁止。此九灵上道，秘於九天之上大有之房，万劫一传，得者不死，修之飞仙。

东方上始少阳青帝君，元九霞之炁，形长九千万丈。春三月，头建九元通天冠，衣青锦飞裙，佩太上九炁命魔之章，带翠羽交灵之绶，常立碧云之上，思之还长九寸九分。夏三月，青帝君则变形一身九头，通身衣朱衣，腰带素绶，足立苍龙之上，思之还反真形。秋三月，青帝君则变形人身龙头，通身青兔，立碧云之上，手执阳霞之符，思之还反真形。冬三月，青帝君则变形为黑光，光色奕奕，照明北方，此

则反上始之气，更受练元九霞之精，思之还反真形。

修行东方青帝君之道，常以立春、春分之日，入室东向九拜，朝青帝君毕，还北向叩齿九通，思青帝君随四时形像，在上清常阳宫九生府东蒙乡青谷里中，回真下降，入兆肝府之中，便咒曰：

上阳回元，元变入仙，练青受化，合成我神，神真入玄，欬化万分，千乘万骑，辅翼我身，苍龙碧霞，锦帔飞裙，运形上升，朝谒帝晨，列简东华，灭迹河源，长居仙籍，与日同轩。毕，仰咽九炁止。

南方通阳纳阴赤帝君，元入丹之炁，形长八千万丈。夏三月，头建三炁玄梁宝冠，衣绯云锦袍，丹文之裙，佩南极制阳之符，带朱宫入光之剑，常立赤霞之上，思之还长八寸八分。秋三月，赤帝君则变形为朱鸟，口衔赤绶，足立赤云之上，光明焕赫，洞照太虚，思之还反真形。冬三月，赤帝君则变形为人头鸟躯，头戴日精，口衔火铃，在紫云之中，思之还反真形。春三月，赤帝君则变形为青光，光色郁郁，照明东方，此则反通阳之炁、更受练元八丹之精，思之还反真形。

修行赤帝君之道，常以立夏、夏至之日，入室南向八拜，朝赤君毕，还北向叩齿十二通，思赤帝君随四时形像，在上清洞阳宫朱陵府南极乡八炎里中，回真下降，入兆心府之中，便咒曰：

三炁回灵，八帝九清，飞天洞微，丹阳映明，混合中真，练变自生，四度改化，反我真形，随炁运行，与天合灵，飞空乘虚，上入帝庭，长享元吉，南极齐并。〔毕〕，仰咽八炁止。

西方少阴西金白帝君，元六素之炁，形长六千万丈。秋三月，头建七炁明光宝冠，衣白锦云光之袍，素锦飞裙，佩素云之绶，〔带〕龙渊漫延之剑，常立素霞之上，思之还长六寸六分。冬三月，白帝君则变形人头虎身，日光奕奕，照明太空，思之还反真形。春三月，白帝君则变形虎头人身，头戴月精，口衔素绶，身衣虎文，足立师子之上，思之还反真形。夏三月，白帝君则变形为黄光，光色洞彻，照明中央，此则反少阴之炁，更受练元六素之精，思之还反真形。

修行白帝君之道，常以立秋、秋分之日，入室西向六拜，朝白帝君毕，还北向叩齿三通，思白帝君随四时形像，在上清金门宫通光府素水乡金元里中，回真下降，入兆肺府之中，便咒曰：

日月回度，三合七成，西金混魄，治练化形，虎变九道，七炁飞精，帝君开真，万物化成，玄虚与化，炁入幽冥，道合元契，升造玉庭，与天同符，与帝同灵，长存吉祥，亿亿不倾。毕，仰咽六炁止。



北方通阴太阳黑帝君，元五灵之炁，形长五千万丈。冬三月，头建五炁玄晨之冠，衣玄锦之袍，五色飞裙，佩七元流铃，带文身通神之剑，常立玄云之上，思之还长五寸五分。春三月，黑帝君则变形为人头蛇身，五色斑烂，口衔金符，头带七星，光明焕曜，洞映上清，思之还反真形。夏三月，黑帝君则变形一身五头，头戴五星，身衣玄羽之衣，足蹑玄龟，手执火铃，思之还反真形。秋三月，黑帝君则变形为白光，光色奕奕，照明西方，此则反通阴太阳之炁，更受炼元五灵之精，思之还反真形。

修行黑帝君之道，常以立冬、冬节之日，入室北向五拜，朝黑帝君毕，叩齿十二通，思黑帝君随四时形像，在上清广灵宫北黄府玄阴乡五灵里中，回真下映，入兆肾府之中，便咒曰：

五行演真，阴阳合符，玄炁回运，四改交周，反形元虚，乘空入无，太一翼命，帝君受符，保仙紫相，录字丹书，五道并真，合我形躯，驾景策云，飞升玉都。毕，仰咽五炁止。

中央总灵高皇黄帝君，元黄生之炁，形长三千万丈。以〔四〕季〔之〕月，头建黄晨通天玉冠，衣黄锦之袍，玄黄飞云锦裙，佩黄神越元之策，带灵飞紫绶，常立五色师子黄云之上，思之还长三寸三分。秋三月，白炁玉黄帝君则变形，分为四童子，衣青白赤黑四色锦裳，飞云锦帔，各头戴日精之华，手执五色之幡，立素云之上，思之还反真形。冬三月，黑炁玉黄帝君则变形一身四头朱鸟，毛色斑烂，照明北方，思之还反真形。春三月，青炁玉黄帝君则变形为皇上老人，通身黄色，头戴圆光如之相轮，手执金铃，足立青云之上，思之还反真形。夏三月，赤炁玉黄帝君则变形为赤光，光色憧憧，照明南方，此则反高皇之炁，更受练元黄生之精，思之还反真形。

修行黄帝君之道，常以太岁、甲子之日，入室向太岁十二拜，朝黄帝君毕，还北向叩齿十二通，思黄帝君随四时形像，在上清黄元宫高皇府中戊乡四圆里中，回真下降，入兆脾府之中，便咒曰：

四刚总真，灵化无方，道合成一，五行开张，随运变号，周圆四乡，是日上吉，乘阴御阳，六甲直符，太一下迎，结我录籍，书名上京，得朝三元，保仙神皇。毕，仰咽十二炁止。

### 上清元始变化元录

高上玉皇帝，上圣君，九天玉真，皆禀炁自然，托形琼胎，隐秀紫元，灵和感会，得有人焉。胤皇流之胄，生而成真，结空洞以为字，合三炁以为名，受号帝位，应化上清，总仙高虚，拊任玄玄，四时改易，推节变通，沐浴冠带，练饰长存，运化

形影，应感而生，幽冥恍惚。故道无常名，深不可测，微难可穷，天地规以得立，太玄协以致清，日月持之以朗耀，五行稟之以致灵，巍巍德宗，荡荡高尊，其道高妙，非可胜焉。元始记篆，藏之太上六合宫中紫房之内，万劫一传，九天禁书，非鬼神所闻。得见其篇目，将庆洒上叶，福流玄根，魂升南宫，七祖同欢，名书玉札，死生获仙。

后圣学上真之道，当练悉元始变化之形，随节改易，以通其真，以反其炁，以练其神。假令元始皇上丈人，以立春之日纳元玉虚之炁，受皇上丈人之号，此皆真形，衣服正色。竟春三月九日中，居真临正，至立夏之日，皇上丈人则变其正形，更受节化，沐浴神真，谓变仙易景，通真纳灵，致炁长存。周夏三月九日中，仙魂沐浴，神真感通，至立秋之日，皇上丈人则随节化形，冠带五常，谓之仙化，炁通玄玄，内充外溢，光辉发明，变真养炁，致炁无穷。周秋三月九日中，冠带九天，仙化成真，至立冬之日，皇上丈人含真胎息，反炁自然，解脱身形，变景入光，还其元始，受练反精，育莹神真，光色混沌，如云之烟。周冬三月九日中，结炁凝神，还复正形，四度回周，周而复生。此元始四改之化，随节易容。天地之运，皆有盛衰，否泰休息，以应天关，盛则临正，休则育养，冠带练精，不失其常。故天地长存无穷，此妙化之道，非可胜记。学真之家，当各随其节，修行存思众真，皆如元始皇上丈人之法，八年之中，不失常节，克致真人下降，目睹神形，能随炁变化，飞升太空也。

凡修四变之道，当随节服四变之符。假令春三月行道存思，当先服东明通真变景阳霞之符；夏三月行道，当服南光八炼丹景四朗之符；秋三月行道，当服西精浩灵化景扶希之符；冬三月行道，当服北玄郁真练景萧风之符。若行黄帝之道，当以季月服黄上八维生景玉门之符。此元始变化结真上道，行之者则通天炁，招神致仙，迁降灵颜，曲映寝房，中理兆形，四梵之炁，通明五官，开关受真，使神安玉府，随节缚仙，下和阴阳，条理候门，轮转天地，总维八方。其文高妙，神仙之宗，有知其法，坐睹真灵，能变能化，随节练形，万神安备，飞行上清，密则神降，泄则祸婴。

### 东明通真变景阳霞符

春三月行道，思神招灵，当以黑书青纸上，东向服之，百日通灵，千日见神，彻视万里，坐睹自然，役使青真玉女九人，致青宫宝书，神仙真文。又青书黄绶上，安所坐卧席东面，以青锦衣之百日，则致青老降座，青帝神官侍卫神文，营护行符者身，九年自致青霞之云，载兆飞行。所谓精感神降，坐致飞仙者也。

其文乃东方青景阳霞开明通光之精，其炁乃九元之始晖，其晖映朗东天，郁勃九千九万九亿万重，其精飏飏而翠澄，碧云郁乎太虚，华芒烂乎九玄，流津澳於豪林之外，玉泉注於万丈之渊，林栖碧鸡之群，渊治暘谷神王，上有始青之观，中有青华

之宫，观有九炁元老宫舍，青真圣皇左侍青腰玉女，右直翠羽灵童，常乘太山灵兽，策御九光神龙，以春三月上导九天之炁，下引肝府之源流，二炁交於感会，变化在乎须臾。故结炁以成号，凝精以成符，得咽其炁，则能立睹神躯，有餐其精，则能变入九天，此妙哉之灵化，巍巍乎太虚，锺变万奇，难可且书。

### 南光八练丹景四朗符

夏三月行道，思神招灵，当以青书赤纸上，南向服之，百日通灵，千日见神，万日飞仙，役使太丹玉女八人，致流金火铃登仙丹章。又赤书白绹上，安所坐卧席南面，以赤锦衣之百日，则绛老降房，赤帝神官侍卫神文，营护行符者身。八年则致绛霞之云，载兆飞行，上升洞阳之宫也。

其文乃南方洞光八练四朗之精，其炁乃八天发封之始晖，其晖明烂，朗映八外，焕焕流耀，迅电散漫八千八万八亿万重。其精炎炎而丹舒，光芒晔晔而峻嶒，似庆云之郁勃，焕乎太阳之庭，玉津滂沱，澳於流火，则有不死之人，上有南极之台，中有洞阳之宫，台有主仙司命舍，太和上真右侍太丹玉女，左卫赤圭灵童，常集霍山之兽，匡御九色凤皇，以夏三月上导九天之炁，下引绛府之明梁，二炁交於感变，灵化发於微芒。故凝精以成文，结炁以成星，咽其炁则致灵尊降房，餐其精则能飞行八空，驱策六甲，役召六丁，妙化之道，位加高清。

### 西精浩灵化景扶希符

秋三月行道，思神招灵，当以黄书白纸上，西向服之，百日通灵，千日见神，上真下降，与神接颜，役使太素玉女六人，致金精日华冶炼芝英。又白书青绹上，安所坐卧席西面，以白锦衣之百日，白老降旁，白帝神官侍卫神文，营护行符者身，六年则致三素云軿，降载兆身，升形太空，飞行玉清。

其文乃西方浩灵洞练扶帝金魄白门之精，其炁乃六演金映之始晖，其晖明曜，映朗西戎，浩浩流布六千六万六亿万重，其精落落，如玉莹光，光芒焕焕，峨峨峻嶒，上无复色，下无复渊，眇莽浩汗，似素云之沓烟，焕乎洞虚金门之上，流津澳注冶炼之庭，冶炼则有还容之池，练仙芝英，金门则有青金丹台，上有龙山神楼，中有素灵之宫，楼有十二玉仙宫舍，西华真人左侍素灵玉女，右卫金华之童，常乘华山灵兽，策御白虎之王，以秋三月〔上〕导九天之炁，下引肺府中真，二炁应变而交会，变化生乎西关。故凝精以成符，结炁以成神，得咽其炁，则能立降神颜，餐其精能飞升金门，嘯命五岳，坐召十方，兴云致龙，适意所从，其文高妙，难可称焉。

### 北玄郁真炼景萧风符

冬三月行道，思神招灵，当以黑书白纸上，北向服之，百日通灵，千日睹真，彻视幽微，与神交颜，役使太玄玉女五人，致五星上妃夫人灵真升中玄图神仙宝文。又黑书绛绶上，安所坐卧席北面，以玄锦衣之百日，黑帝降席，黑帝神官侍卫神文，营护行符者身，五年则致玄云降覆兆身，升形太空，飞北辰之中也。

其文乃北方郁真玄玄萧风华晨之精，其炁乃阴阳始开之始晖，其晖混沌，乍合乍离，五色玄朗，洞映郁单，分流散漫五千五万五亿万重，其精玄玄而相附，似锦云之香烟，合金花而不曜，殖五行而立玄，神变明乎朔阴之野，流真澳於寒水之乡，朔阴则生练仙玉膏，寒水则有制魔之王，上有七晨华盖，中有广灵之堂，华盖荫於玄斗中真堂舍，皇上玉晨右侍太玄玉女，左侍玉晨之童，常乘常山神兽，策御飞龟紫轮，以冬三月上导九天之炁，下引肾府流泉，二炁交於神通，变化生乎一句。故凝精以成文，结炁以成仙，得咽其炁，则致七晨降房，盼接灵颜，得食其精，则能回化阴阳，兴云召龙，飞升华堂，睹灵文之妙化，天地之原宗也。

### 黄上八维生景玉门符

四季之时行道招灵，当以赤书黄纸上，向季王服之，一百二十日通灵彻视，逆知吉凶，千日天真下降，与神交颜，役使黄素玉女十二人，致黄上八道交真玄录，飞仙凤衣九天灵章。又黄书黑绶之上，安所坐卧席中央，以黄锦衣之一百日，黄老诣房，黄帝神官侍卫神文，营护行符者身，十二年致黄云降覆兆形，玉舆羽轮升兆飞行，上入太玄之宫也。

其文乃中央黄上坤母玉门生景通明之精，其炁乃天地纲维十二辰化之始晖，其晖映朗八方，其烟飘飘而四飞，光明晃晃而通虚，郁勃卫於太玄之都，维落十二亿万之重，华芒烂耀发乎九玄，流精溢於四季之乡，上有玉京之府，中有华盖之宫，府有太上道主宫舍，玉晨之君左侍飞仙羽节青华玉女，右直领仙玉郎金灵神童，常乘九号灵兽，策御玄上黄龙，总五炁以辅辰，制命十二勾陈，上导九天之源流，下引脾府之黄神，二炁交於泥丸之上，炼化混合於三丹之房。故凝精以变神，结炁以炼仙，得咽其炁，黄老降形，得餐其精，色发金刚，身生水火，项有圆光，变化万奇，飞升太空，此灵文之妙用，高化之难量也。

此五老秘文，藏於九天之上五灵玉都金华紫房，侍文五帝灵童、五帝玉华玉女各五十人，烧香散花，侍卫神文。依九天旧格，万劫一传，皆授上仙以成真人。凡有玄简帝图，录字三清，应为后圣之人者，得睹灵篇，修行变化，存念思神，服御玉文，不出九年，克致五老降房，天真交颜，洞彻幽虚，坐在立无，变化水火，白日升晨。轻泄漏慢，殃逮七玄，已身亡命，长没河源。服符之时，当各随节向王叩齿十二通，微祝曰：

天轮地转，四时交真，五行导炼，结成玉仙，上元凝精，中元变神，下元育养，远

形反真，三元混合，我禀自然，灵符充镇，王炁如烟，内明外鲜，赤子宁安，降致飞霞，升入帝轩。毕，咽炁五过止。

传授大篆之法，依四极明科，七百年内听三传，百年内有其人，听再传。师弟子对斋百日，或七十日，弟子赍上金九两，丹地绛锦四十七尺，青布二十二尺，金龙、玉鱼各一枚，登盟北向，告九天而传，弟子披心向天而承受。师不依年限而授，则身受风刀之考。弟子无信而求真，谓轻天宝，财身没河源，终不得仙。天科告慎，明详奉行。

上清元始变化宝真上经九灵太妙龟山玄篆卷中竟

#1此卷原《道藏》本作卷下。据其内容文字，应移作卷中，而以原本卷中为卷下。

#2『诤』原作『非』。

#3『思』原作『也』。

# 上清元始变化宝真上经九灵太妙龟山玄策卷下#1

上清九天玄都八圣，游於空虚，灵足超於玉堂，景浮紫澄太玄，玉帝戏参九凤龙车玉舆，乘五色飞云，从十二龙驾，仙官玉女各二十四人，又八鸾白鹄，九凤飞鸣云阵，九色之节，十绝华幡，三天宝盖，九天乘骑飞游太空，径造五岳名山。遇与五岳真君，俱说欲诣龟山洞室八景穴中，与太上玉帝真人，於洞室金堂，以绿环誓天，得写洞文，刻名天书。玉字刻以金简之上，以誓玄言。上清太霄琅书，日月飞华，结璘郁仪服芝玄，九母五帝真君夫人，悉来降之。便一日一夕，於龟山之台，天地日月十方大圣真官，同来造此，而敷金床碧席，会诸天大圣。复戏陈云韶百伎，赞叹虚空自然，百音相和，长歌誓曲，唱入九霄，上答天王玉京帝君。灵章一通，使得神仙龟山吏兵千乘万骑，真人功曹，飞行将军，直符吏，玉童神女，使者诸官九亿万众，得九天真符天书玉字，十二凤玄歌之曲，分为上下二卷，藏以金台之上，九天紫室之中，锦蕴金函，钥以银关玉房，以命紫微夫人出以授之。当开此之日，清风披林，三素之云十方耀明，神光玄映金台之室。於是紫微夫人跪而受焉，九天真魔上王而欢跃作礼焉。

太清玄老九天正文，自然虚无洞真玉帝君，於玄霞翠羽玉京华山洞室之中敷说正文。尔时有四千万亿金童，九千万亿玉女，侍卫左右。其洞室并黄金荐地，白银为床，天尊来下，黄玄云锦为席，诸仙神王祈请，长跪启问九天玄帝：伏闻太上诸圣太帝，玄歌玉章，耀景丹华，翠凤翱翔，骑龙驾乘，遐造京华上帝，同唱九韶太和灵章，洞玄刻石真文，以喻龟山上元太妙之录，以和九天洞房诸仙，玉虚真王命魔灵幡，校三十二天典日月之籍，云行雨施，天下润泽，百华同萌，碧树琼枝，绿华丹葩，香园果林，七宝三景。上圣天尊，上清玉童，真华玉女，那林琼室，敷化众生。群臣帝王国主，四天玉郎韩司主韩，十方众官仙主，人景百罗魔王，腾飞虚空，覆化众生。覆天盖地飞琼云车，千二百玄龙之舆，雷电霹雳，光耀十方，来降我室，拜跪赞唱。诸天香华，百籁同鸣，琳琅玕环，自然钟磬，诸天仗乐，七宝三光，百和之音，以相娱乐，以为欢焉。召九天魔鬼邪精天帝，俱侍座侧。飞云羽盖，十二缯幡麾节幢鼓，罗列帝前，诸天和唱，同赞诵焉。十二天尊，众仙正官，各诵赞洞灵琼宝三元章句：

回风迅轻盖，十圣从尊游。灵章和神麾，紫舆景气浮。太清诸天尊，倾驾玉京隅。群仙戏天乐，百和自然周。同欢舞云华，众真欣谁喻。玉龟七宝林，唱赞愿同舟。丹景耀日精，令我心踟蹰。仙人诵帝章，此欢莫与谋。诸天咏梵音，眇眇飞云端。群圣歌云曲，玉女唱玄欢。同游王母室，徘徊琼台观。众仙玉华质，粲耀英与兰。玉池漱清泉，昆山宝林焕。飘飘群龙飞，皎皎紫凤坛。夕游蓬莱岛，朝对华景宴。神仙戏东序，流晖寄文翰。

上清九老自然洞虚灵真功曹，飞丹华之晖，九老上圣之君，灵应之兆，以皇景帝元空景玉山之典文，人皇元年上甲之岁正月七日，於混沌之台七宝琼林之堂，三元玉

帝命九天之文，以授丹老九帝真君，不得招集乱人混同一观，以为上真，一依科法奉命。

上清虚洞自然灵飞上部功曹圣宝真人各十万人。

上清虚洞自然灵飞中部功曹圣宝真人各十万人。

上清虚洞自然灵飞下部功曹圣宝真人各十万人。

上清虚洞自然灵飞前部功曹圣宝真人各十万人。

上清虚洞自然灵飞后部功曹圣宝真人各十万人。

上清虚洞自然灵飞左部功曹圣宝真人各十万人。

上清虚洞自然灵飞右部功曹圣宝真人各十万人。

上清虚洞自然灵飞都部功曹圣宝真人各十万人。

上元自然洞真玉帝虚灵上部直符吏各九千万亿人。

上元自然洞真玉帝虚灵中部直符吏各九千万亿人。

上元自然洞真玉帝虚灵下部直符吏各九千万亿人。

上元自然洞真玉帝虚灵前部直符吏各九千万亿人。

上元自然洞真玉帝虚灵后部直符吏各九千万亿人。

上元自然洞真玉帝虚灵左部直符吏各九千万亿人。

上元自然洞真玉帝虚灵右部直符吏各九千万亿人。

上元自然洞真玉帝虚灵都部直符吏各九千万亿人。

洞清皇虚真景上部灵飞使者各八千九亿万人。

洞清皇虚真景中部灵飞使者各八千九亿万人。

洞清皇虚真景下部灵飞使者各八千九亿万人。

洞清皇虚真景前部灵飞使者各八千九亿万人。

洞清皇虚真景后部灵飞使者各八千九亿万人。

洞清皇虚真景左部灵飞使者各八千九亿万人。

洞清皇虚真景右部灵飞使者各八千九亿万人。

洞清皇虚真景都部灵飞使者各八千九亿万人。

上真九老上清皇真玉帝上灵飞琼自然羽盖各九亿万重。

上真九老上清皇真玉帝中灵飞琼自然玉舆各九亿万重。

上真九老上清皇真玉帝下灵飞琼自然云辇各九亿万重。

上真九老上清皇真玉帝前灵飞琼自然云辇各九亿万重。

上真九老上清皇真玉帝后灵飞琼自然绿辇各九亿万重。

上真九老上清皇真玉帝左灵飞琼自然凤翼各九亿万重。

上真九老上清皇真玉帝右灵飞琼自然飞虬各九亿万重。

上真九老上清皇真玉帝都灵飞琼自然龙轩各九亿万重。

清虚玉京上灵丹检赤符龟山上部将军各九千万骑。

清虚玉京上灵丹检赤符龟山中部将军各九千万骑。

清虚玉京上灵丹检赤符龟山下部将军各九千万骑。

清虚玉京上灵丹检赤符龟山前部将军各九千万骑。

清虚玉京上灵丹检赤符龟山后部将军各九千万骑。

清虚玉京上灵丹检赤符龟山左部将军各九千万骑。



清虚玉京上灵丹检赤符龟山右部将军各九千万骑。

清虚玉京上灵丹检赤符龟山都部将军各九千万骑。

玉清上元飞行混沌紫虚华景上真玉童龟山洞真人各七千万乘。

玉清上元飞行混沌紫虚华景中真玉童龟山洞真人各七千万乘。

玉清上元飞行混沌紫虚华景下真玉童龟山洞真人各七千万乘。

玉清上元飞行混沌紫虚华景前真玉童龟山洞真人各七千万乘。

玉清上元飞行混沌紫虚华景后真玉童龟山洞真人各七千万乘。

玉清上元飞行混沌紫虚华景左真玉童龟山洞真人各七千万乘。

玉清上元飞行混沌紫虚华景右真玉童龟山洞真人各七千万乘。

玉清上元飞行混沌紫虚华景都真玉童龟山洞真人各七千万乘。

紫皇玉京虚无自然九色上仙丹景九华玉女各七千万重。

紫皇玉京虚无自然九色中仙丹景九华玉女各七千万重。

紫皇玉京虚无自然九色下仙丹景九华玉女各七千万重。

紫皇玉京虚无自然九色前仙丹景九华玉女各七千万重。

紫皇玉京虚无自然九色后仙丹景九华玉女各七千万重。

紫皇玉京虚无自然九色左仙丹景九华玉女各七千万重。

紫皇玉京虚无自然九色右仙丹景九华玉女各七千万重。

紫皇玉京虚无自然九色都仙丹景九华玉女各七千万重。

玉虚洞灵上元紫章九真上圣金华玉童各七千万重。

玉虚洞灵上元紫章九真中圣金华玉童各七千万重。

玉虚洞灵上元紫章九真下圣金华玉童各七千万重。

玉虚洞灵上元紫章九真前圣金华玉童各七千万重。

玉虚洞灵上元紫章九真后圣金华玉童各七千万重。

玉虚洞灵上元紫章九真左圣金华玉童各七千万重。

玉虚洞灵上元紫章九真右圣金华玉童各七千万重。

玉虚洞灵上元紫章九真都圣金华玉童各七千万重。

九玄上真飞华七景龟山领真上丹青腰玉女各三千万众。

九玄上真飞华七景龟山领仙中丹青腰玉女各三千万众。

九玄上真飞华七景龟山领神下丹青腰玉女各三千万众。

九玄上真飞华七景龟山领圣前丹青腰玉女各三千万众。

九玄上真飞华七景龟山领丹后丹青腰玉女各三千万众。

九玄上真飞华七景龟山领灵左丹青腰玉女各三千万众。

九玄上真飞华七景龟山领玄右丹青腰玉女各三千万众。

九玄上真飞华七景龟山领真都丹青腰玉女各三千万众。

上元云琼太空飞霄自然领导上神丹真玉仙各九千万众。

上元云琼太空飞霄自然领仁中神丹真玉仙各九千万众。

上元云琼太空飞霄自然领引下神丹真玉仙各九千万众。

上元云琼太空飞霄自然领玄前神丹真玉仙各九千万众。

上元云琼太空飞霄自然领灵后神丹真玉仙各九千万众。

上元云琼太空飞霄自然领丹左神丹真玉仙各九千万众。

上元云琼太空飞霄自然领仙右神丹真玉仙各九千万众。

上元云琼太空飞霄自然领真都神丹真玉仙各九千万众。

七曜上清洞真玄景玉皇青华上丹玉光赤仙各九千万众。

七曜上清洞真玄景玉皇青华中丹玉光赤仙各九千万重。

七曜上清洞真玄景玉皇青华下丹玉光赤仙各九千万重。

七曜上清洞真玄景玉皇青华前丹玉光赤仙各九千万重。

七曜上清洞真玄景玉皇青华后丹玉光赤仙各九千万重。

七曜上清洞真玄景玉皇青华左丹玉光赤仙各九千万重。

七曜上清洞真玄景玉皇青华右丹玉光赤仙各九千万重。

七曜上清洞真玄景玉皇青华都丹玉光赤仙各九千万重。

右洞灵三清龟山元空紫堂金室石间华玉刻石真文吏兵圣录。上官正位、中元使者、仙童玉女、天真王神大圣、八景三部将军、功曹直符吏官、使者飞龙乘骑、三元真官、元皇玉仙，一如玄科之律，子勤慎之慎之。

尔时太真帝君、国主帝王、上圣领真、九天上帝，自然神仙丹晖日月龙章，仙人八术玄飞七景玉篆，隐地玄丹赤书玉诀，地真凤书可得尔不。自从天地分判，百毒流行，蠢飞蠕动之类，仙人乘骑，众真云驾，来造皇庭。百千圣真侍卫灵文，神童玉女对立真文，於金堂琼室七宝华林之中，渌水池上，与诸仙玉真、众龙王、天宝地神、八威九域百万仙官，手把香华麾幢之属，九色八节，立耀太空，日月同光，百籟缘流，天妓仙乐，珍禽异兽，百亿师子，巨虬千寻，无幽无明，照洞烛远，彻朗十方，飞真步空，游宴玉房，金台宝光，八肴之饌。登仙洞龟山之中，朝茹琼芝，夕漱玉泉，俱来造焉。十二玄龙，紫凤云虬，神禽圣灵之鸾，丹輿羽盖真骑，诸神丽景九色，五真玉京，五岳四渎，昆仑名山、河海龙神，真仙圣众，万亿九千八百重，灵云紫虚上丹诸君，从灵官来降我。第一祝九天太真，紫虚九老仙都，百千万亿丈人圣真，八景皇灵，自然及虚无，映曜日月玄微。尔时天官而说赞曰：

云紫上灵宫，自然百仙童。文景映日月，九老粲华终。月葩耀三阳，表此合四蒙。煌煌群仙游，眇眇造上宫。顿驾蓬莱岭，携侣步高峰。日月光仙都，与戏王母壖。一生超尘俗，谁能知此中。朝翔太阳观，夕栖隐阆风。众仙携俦侣，明昧自然冲。

玉女骑圣凤，神仙乘真龙，飘飘相从之，羽盖肃且恭。命我王乔友，催手翔云中。紫云我所游，混俗谁与同。

众仙戏云景，丹葩敷春阳。莫不同此唱，仙真福道场。皇驾停云侣，飘飘自翱翔。瞻此八极外，谁力运长存。日月同仁贤，虚谷谢朝光。回此众仙童，谁知百岁方。十圣迎兆身，善哉勿相忘。顾语流俗士，此仙子未当。千载昌朝卉，百年荣夕张。众真游太华，仙人自翱翔。

回景戏九嶷，上与太真游。眇眇群仙士，紫盖倾光柔。停景顿曦和，神凤未阳谋。太和翔阆风，会岭耀华舟。九回同一观，顾盼莫同州。眇眇太一宫，飘飘九岭俦。日月粲华晖，回光照真浮。翔鸾整晨旭，勖哉上真求。亿兆不同劫，千载莫之尤。明会合神童，九回任性周。

右一玄龙乘紫云造空唱赞记。及此八坦八门，乃咒曰：

云飞上圣人，乃携太真君。乘龙驾紫凤，乃造王母宫。朝饵琼芝宝，夕漱玉池醴。群游太阳观，众憩隐阆风。俯戢九嶷岭，仰谢皇极中。安步登五岭，控轡任性终。服食养性长，千载永无穷。尔有养性术，蕴心保虚冲。

尔时复有一人来诣上宫，降造灵玄拜九老、九天上真官属，乃问曰：上三天君、真官使官、仙都仆射，帛锦玄黄，乃命仙都侍郎，领玉童化仙玉女，来诣上坐，而复造玄。若九宫命太玄都宫，仍命明仙太真老圣之官，命出龟仙洞室刻石真文三元真录吏兵玉童真仙使者，命出真天圣神仙官九老上圣，白日造空，同游紫虚焉。伏见上真仙官刻石灵文玉字自然洞章五华赞诵二篇，其词曰：

上游五岭峰，群翔太华观。三老诵玉章，三景洞文粲。夕咏玉仙篇，朝游到晨晏。千载谢群仙，万代谁知算。眇眇五华土，湛淡九阳汉。岭高众仙戏，景媚春卉烂。携我游云峰，余心俟神旦。

文高百卉云，谁知云景清。气暄丹木敷，绿叶映紫荣。上我五峰峻，下游四渍灵。玉皇灶洞中，乃见大清经。九老仙都策，优哉玉真文。愿子保兹寿，千载不迈零。晃朗九华道，俯仰希阳城。

祝曰：

灵飞上圣，神众真官，自然九老，太华真丹，服食五芝，骨圣神安，步登五岳，韶舞同欢，俯揖灵仙，仰谢云鸾，五十余载，飞戏云端，乘羽驾虬，游王母间，万劫一周，谢谷盘桓，步蹑紫云，飘携云官。

## 太上洞文龟山真符

此符服之九年，闭目存思一旦夕，当见九天仙属，乘龙驾虬，飞游紫虚，上造玉庭，永与仙真，不得与世同游，永得长安，酉回卯转，身离五苦，地狱之痛，必当扬之於后世。必愿慎之慎之。

符以青书紫地。

鬼宿使者符倪章一名方刚

本将头戴天丁冠，身穿红服，乘金钺。

风火元明君符

本将头戴天王冠，身穿皂服，左手握诀，乘龙。

欽火律令神符邓伯温

银牙耀目神符辛汉臣

威猛丁辛神符羲清

本将三头六臂，披全身金甲，手执火轮火铃雷鼓，风轮火印，长金戟。

滴昔喝伽神符

本将如大将军相，身穿青袍，三牙须，手执长斧，绿风带，四围皆火。

太乙元皇神符

本将头、戴小天丁冠，身穿红袍铁甲，面容紫色，双手雷匣。

水轮冰铎神符

皇元上甲正一之道，九天大道之帝王，自然固景太华刻石之文，龟山洞室二十四仙官，上元君号龟山使者，玉女仙童二十四神人，太玄都玉京真仙，出於上圣紫凤赤书丹景玉文之书，於洞景闾风空洞。虚元之君，於龟山洞得此之文，闭以五岳中天黄帝玉华之室琼台之内。以太岁甲戌七月七日，於昆山凤山出於金阙玉户之中，出於授上皇紫微夫人，令授后世应仙之人。若能受持者，必白日升云，与众仙为俦，

得见上圣，已为上真之君，急依玄科正律之令。

皇灵玉帝自然灵章紫景上圣领真功曹各九千万人。

皇灵玉帝自然灵章紫景中圣领神功曹各九千万人。

皇灵玉帝自然灵章紫景下圣领仙功曹各九千万人。

皇灵玉帝自然灵章紫景前圣度景功曹各九千万人。

皇灵玉帝自然灵章紫景后圣结明功曹各九千万人。

皇灵玉帝自然灵章紫景左圣摄真功曹各九千万人。

皇灵玉帝自然灵章紫景右圣过仁功曹各九千万人。

皇灵玉帝自然灵章紫景都圣真官功曹各九千万人。

上景玉仙飞行步虚上部领仙直符吏各二十四亿万人。

上景玉仙飞行步虚中部领仙直符吏各二十四亿万人。

上景玉仙飞行步虚下部度真直符吏各二十四亿万人。

上景玉仙飞行步虚前部过明直符吏各二十四亿万人。

上景玉仙飞行步虚后部结圣直符吏各二十四亿万人。

上景玉仙飞行步虚左部度仙直符吏各二十四亿万人。

上景玉仙飞行步虚右部摄真直符吏各二十四亿万人。

上景玉仙飞行步虚都部延生直符吏各二十四亿万人。

清虚上真灵仙玉官上灵领圣使者各九千万骑。

清虚上真灵仙玉官中灵领仙使者各九千万骑。

清虚上真灵仙玉官下灵度真使者各九千万骑。

清虚上真灵仙玉官前灵过神使者各九千万骑。

清虚上真灵仙玉官后灵结仙使者各九千万骑。

清虚上真灵仙玉官左灵摄景使者各九千万骑。

清虚上真灵仙玉官右灵领真使者各九千万骑。

清虚上真灵仙玉官都灵自然使者各九千万骑。

虚玄上清翠羽上真上部紫晨玉童各九千万重。

虚玄上清翠羽上真中部紫晨玉童各九千万重。

虚玄上清翠羽上真下部紫晨玉童各九千万重。

虚玄上清翠羽上真前部紫晨玉童各九千万重。

虚玄上清翠羽上真后部紫晨玉童各九千万重。

虚玄上清翠羽上真左部紫晨玉童各九千万重。

虚玄上清翠羽上真右部紫晨玉童各九千万重。

虚玄上清翠羽上真都部紫晨玉童各九千万重。

紫玄中清三元上灵太丹上景玉女各九千万乘。

紫玄中清三元上灵太丹中景玉女各九千万乘。

紫玄中清三元上灵太丹下景玉女各九千万乘。

紫玄中清三元上灵太丹前景玉女各九千万乘。

紫玄中清三元上灵太丹后景玉女各九千万乘。

紫玄中清三元上灵太丹左景玉女各九千万乘。

紫玄中清三元上灵太丹右景玉女各九千万乘。

紫玄中清三元上灵太丹都景玉女各九千万乘。

灵光上元灵神官属上真三光通灵八骑司马龟山真人各三千万众。

灵光上元灵神官属中真三光通灵八骑司马龟山真人各三千万众。

灵光上元灵神官属下真三光通灵八骑司马龟山真人各三千万众。

灵光上元灵神官属前真三光通灵八骑司马龟山真人各三千万众。

灵光上元灵神官属后真三光通灵八骑司马龟山真人各三千万众。

灵光上元灵神官属左真三光通灵八骑司马龟山真人各三千万众。

灵光上元灵神官属右真三光通灵八骑司马龟山真人各三千万众。

灵光上元灵神官属都真三光通灵八骑司马龟山真人各三千万众。

灵景真仙都官候仙上神通灵将军各三千万人。

灵景真仙都官候仙中神通灵将军各三千万人。

灵景真仙都官候仙下神通灵将军各三千万人。

灵景真仙都官候仙前神通灵将军各三千万人。

灵景真仙都官候仙后神通灵将军各三千万人。

灵景真仙都官候仙左神通灵将军各三千万人。

灵景真仙都官候仙右神通灵将军各三千万人。

灵景真仙都官候仙都神通灵将军各三千万人。

皇缙八景三洞上清玉帝七耀五星上圣真人龟山飞灵将军各九千万重。

皇缙八景三洞上清玉帝七耀五星中圣真人龟山飞灵将军各九千万重。

皇缙八景三洞上清玉帝七耀五星下圣真人龟山飞灵将军各九千万重。



皇繒八景三洞上清玉帝七耀五星前圣真人龟山飞灵将军各九千万重。

皇繒八景三洞上清玉帝七耀五星后圣真人龟山飞灵将军各九千万重。

皇繒八景三洞上清玉帝七耀五星左圣真人龟山飞灵将军各九千万重。

皇繒八景三洞上清玉帝七耀五星右圣真人龟山飞灵将军各九千万重。

皇繒八景三洞上清玉帝七耀五星都圣真人龟山飞灵将军各九千万重。

紫天灵真皇帝金丹上部五芝玉童各三千万人。

紫天灵真皇帝金丹中部五芝玉童各三千万人。

紫天灵真皇帝金丹下部五芝玉童各三千万人。

紫天灵真皇帝金丹前部五芝玉童各三千万人。

紫天灵真皇帝金丹后部五芝玉童各三千万人。

紫天灵真皇帝金丹左部五芝玉童各三千万人。

紫天灵真皇帝金丹右部五芝玉童各三千万人。

紫天灵真皇帝金丹都部五芝玉童各三千万人。

皇真下清玉王仙都上景玄芝玉女各三千万人。

皇真下清玉王仙都中景玄芝玉女各三千万人。

皇真下清玉王仙都下景玄芝玉女各三千万人。

皇真下清玉王仙都前景灵芝玉女各三千万人。

皇真下清玉王仙都后景仙芝玉女各三千万人。

皇真下清玉王仙都左景绿芝玉女各三千万人。

皇真下清玉王仙都右景真芝玉女各三千万人。

皇真下清玉王仙都都景圣芝玉女各三千万人。

灵情回光七曜玉华灵丹日月八术自然龟山玉舆各七千万乘。

灵清回光七曜玉华灵丹日月八术自然龟山龙轩各七千万乘。

灵清回光七曜玉华灵丹日月八术自然龟山云辇各七千万乘。

灵清回光七曜玉华灵丹日月八卫自然龟山琼轮各七千万乘。

灵清回光七曜玉华灵丹日月八卫自然龟山羽盖各七千万乘。

灵清回光七曜玉华灵丹日月八术自然龟山龙车各七千万乘。

灵清回光七曜玉华灵丹日月八术自然龟山凤翼各七千万乘。

灵清回光七曜玉华灵丹日月八术自然龟山飞虬各七千万乘。

九玄绿晖丹曜洞灵自然龟山上晖玉华真人各九亿万重。

九玄绿晖丹曜洞灵自然龟山中晖玉华真人各九亿万重。

九玄绿晖丹曜洞灵自然龟山下晖玉华真人各九亿万重。

九玄绿晖丹曜洞灵自然龟山前晖玉华真人各九亿万重。

九玄绿晖丹曜洞灵自然龟山后晖玉华真人各九亿万重。

九玄绿晖丹曜洞灵自然龟山左晖玉华真人各九亿万重。

九玄绿晖丹曜洞灵自然龟山右晖玉华真人各九亿万重。

九玄绿晖丹曜洞灵自然龟山都晖玉华真人各九亿万重。

九皇丹灵之丹耀推之章刻望真人之文，以传紫微夫人者。

右紫微夫人服之十年，自然升云，金台之座对西王母，与众仙为侣。服者可朱书紫绶上。龟山洞室中自然天书真文。

右清虚真人服之九年，自然登空洞之台，与众圣上真为侣。服者可朱书紫素上。龟山左洞中金真黄景自然天文。

右真华玉童服之三十年，乃得升天。以黄书碧绶上。右洞之中青书绿石，刻作自然真文，传后仙人，慎之慎之。

右此符，服时可青书黄素。

右四符，青书白素绶上，悬之四方，伏制魔王，恶鬼之徒，皆令摄伏。众仙上圣，悉得游行上清之上，升紫虚之中，与上神帝王神仙，同时上造紫台玉京名山之上，与群仙众真共说妙经已竟，便造龟山元洞，得此真文，以太上丈人老君诸圣云尔。

上清元始变化宝真上经九灵太妙龟山玄篆卷下竟

#1此卷原本作卷中，据其内容，应为卷下。